

WARBURG INSTITUTE

FHH 90



WARBURG



18 0151921 0

90

[Faint, illegible handwriting]

Cat. I. Reprinte descriptives
nantes 1322 [Guesat, France] Reprise
etc. Lyon vers 1565 sans préface
249.

18/507 ✓ [LICHTENBERGER, JOHANNES]

RECVEIL DES
PROPHETIES
ET REVELATIONS, TANT
ANCIENNES QUE MODERNES.

F
H
H
90

*Contenant un sommaire des revelations de sainte
Brigide, S. Cyrille, & plusieurs autres Saints &
religieux personnages : nouvellement veuës &
corrigees.*

Et de nouveau augmentees outre les
precedentes impressions.

[Franc. Gouget : Verif.]



A TROYES,
Par PIERRE CHEVILLOT, l'Impri-
meur ordinaire du Roy.

1611.

Avec permission.

Ne deſpriſez point les propheties, eſ-
prouvez toutes choſes, tenez ce qui eſt
bon.

Jeremie, 10. Chapitre.

Ne craignez point les ſignes du Ciel,
comme les Gentils.

AV LECTEUR,
SONNET.

NE cherche point (Lecteur) ces ſols ambitieux,
Qui des aſtres ayās vn peu de cognoiſſance,
Veulent raur à Dieu ſa diuine puissance,
Prediſans l'aduenir au peuple ſoucieux,
Sont abuſeurs de peuple, & gens pernicieux,
Qui blaſphement de Dieu la treſſaincte ordonnance,
Quand par eſprit humain, & ſole outrecuidance,
Veulent tirer en bas les grands ſecrets des cieux.
Cherche, cherche de Dieu la loy, & les Prophetes,
Et tu y trouueras des choſes plus ſecrettes.
Les cauſes dont ſouffrons tant de calamitez,
Se trouuent icy bas, ſont nos iniquitez,
Qui Volent iuſqu'au ciel, & ſi fort nous inſament,
Que l'ire du Seigneur encontre nous enflamment.



LE TYPOGRAPHE,
AV LECTEUR.

NE ne fay doute (amy Lecteur) que plusieurs médisans en leur maniere accoustumee, ne trouuēt quelque chose à redire en ce petit liure, encores qu'il y ait passée quarante ans, que premieremēt il a esté mis en lumiere, tant en langage vulgaire qu'en Latin: depuis lequel tēps ceux qui y auroient trouué quelque chose à calōnier, ont eu assez loisir de se en décharger: mesmes i'en ay ouy quelques vns se plaindre, que telles diuinations estoient cōtraires à la pieté Chrestienne, qui nous commandoit remettre toutes nos ceuures & actiōs en la puissance, volōté & disposition de Dieu, sans trop curieusement, & avec superstiō s'enquerir des choses futures lesquelles (comme tesmoigne l'escriture) Dieu à reseruez à sa propre puissance. Et pour ceste cause és estats generaux de France, tenus à Orleans, non sans grāde raison, les Prognostications auoient esté defenduës, entant mesmement qu'aucuns resueurs, passant les termes d'Astrologie, se meloient de prognostiquer des choses aduenir, contrel'expres cōmandement de Dieu. Certes, telles & semblables remonstrances m'auoyent presque induit & persuadé de plustost

EPISTRE

supprimer qu'imprimer le present recueil, en-
 cores qu'avec grand labeur il ait esté extrait
 de plusieurs & diuers auteurs, de saincteté &
 authorité recommandables. Mais pour plus
 m'en assurer, ie l'ay bien voulu communiquer
 à des Theologiens, & autre sçauans personna-
 ges, lesquels espluchans plus exactement les
 choses m'ont confirmé n'y auoir rien qui de-
 rogeast à la religion Chrestienne, pour plu-
 sieurs raisons qu'ils m'ont allegues: mesme-
 ment qu'il y auoit bien grande difference en-
 tre la prognostication & la prophetie, entre
 la diuination & la reuelation, entre les sorti-
 leges ou enchantemens, & les œuures mira-
 culeuses: d'autant qu'il y a grande difference
 entre les œuures de Dieu, & les œuures du dia-
 ble. Il est bien certain que ceux qui entrepren-
 nēt par artifice, sciēce, ou fort predire des cho-
 ses futures, sōt criminels de lese majesté diuine
 d'entreprendre sur la puissance & autorité que
 le Pere celeste s'est expressement reseruee.
 Mais aussi quand quelque deuot & religieux
 personnage viuant sainctement, & en la crain-
 te de Dieu, predit quelque chose à venir, qui
 ne se it point contraire aux sainctes Escritures
 & doctrine Euangelique, qui empeschera d'e-
 stimer que ce soit prophetie, reuelation ou in-
 spiration diuine, comme bien souuent Dieu
 par la bonte & clemence infinie nous veut pra-

aduertir & admonneſter paternellement des guerres, famines, peſtilences, mortalitez, troubles, diuiſions, & autres aduerſitez, deſquels iuſtement il nous veut punir & chaſtier pour nos demerites, afin de voir ſi nous en ſerons excitez à changer noſtre mauuaile vie, faire penitence de nos offéces, & nous retourner vers luy, pour en obtenir grace & miſericorde, autrement nous rendre plus coupables au iour qu'en ſon ire & fureur il nous viendra viſiter, d'auoir contemnè & meſpriſé les aduertiffemèſ qu'il nous en auoit auparauant baillez, & lors fera accompli le prouerbe commun : Le fol ne croit tant qu'il reçoit. Or quant à moy, ie dirois volontiers apres ſainct Paul au Theſſaloniens, cinquième chapitre : Ne deſpriſez point les propheties & reuelations : mais eſprouuez toutes choſes, & ten z ce qui eſt de bon. Pour ceſte cauſe, & que ce n'eſt pas la premiere edition du preſent liure, i'ay aduiſé qu'il n'y aura pas grande offenſe (ſi offenſe y a) de le publier encore ceſte fois, ſus la fin du temps que la prophetie y contenuë eſt prochaine d'expirer, & ſelon que ie cognoiſtray de quelle grace ceſte premiere partie aura eſté par toy receuë, i'auray occaſion de te propoſer la ſecõde, qui a eſté de plus grand recherche & labour : car c'eſt vn extrait de tous les liures anciens, eſquels on a trouuè quelque prophetie ou reuelation, ſoit

generale ou particuliere. Ce pendant ie te supplie affectueusement (amy Lecteur) prendre en bonne part, ce qu'à present ie t'en communique, sans te scandalizer de rien : & s'il y a quelque chose qui t'offense, la passer par conuenance & dissimulation, & n'en tenir compte non plus que d'une chose friuole & faicte à plaisir. Et à Dieu,

Jeremie 14.

MAlediction aux Pasteurs, qui dissipent dit nostre Seigneur: Dõt voicy, dit le Seigneur Dieu d'Israël, aux pasteurs qui paissent mon peuple: Vous avez dispergé mon troupeau, & les avez deiectez, & ne les avez point visitez. Voicy, Ie visiteray sur vous la malice de vos estudes, & ie congregeray le demeurant de mes oüailles de toutes les terras, esquelles ie les auray iectees, & les rameneray en leurs champs, & croistront, & seront multipliez: & susciteray sur eux des Pasteurs, qui les paistront, & apres ne craindront plus, & n'en fera plus esgaré d'iceux. Voicy les iours viennent, dit nostre Seigneur, & ie susciteray le iuste germe royal de David, & regnera Roy, & sera sage, & fera iuge nent & iustice en la terre.

Contre les deuineurs, & prognostiqueurs.

Deus in nob. Nul en Roy ne sera trouué Magicien, vlsant d'art magique, ny homme ayant re-

gard au temps, & aux oyseaux, ny enchanteur qui enchante, ny homme demandant conseil aux esprits familiers, ny deuin, ne demandans aduis aux morts: Car tous ceux qui font telles choses font abomination au Seigneur: & pource, le Seigneur ton Dieux les exterminera.

Isaye parlant à Egypte, chapitre 19

Où sont maintenant tes sages? qu'ils t'annoncent maintenant, quelles choses le Seigneur des armées à decretees contre toy?

MATTHIEV XXIII.

ET LVC XXI.

Quand vous orrez guerres & seditions, ne vous espouantez point: car il faut que ces choses luy aduiennent premierement: mais la fin ne sera point si tost. Nations s'esleuera cōtre nation, & Royaume contre Royaume, & y aura pestilences & famines, & tremblemens de terre en diuers lieux: mais toutes ces choses sont commencemens de douleurs. Alors ils vous liureront pour estre affligez, & vous tueront, & ferez hayz de toutes gens, à cause de mon nom, & seront lors plusieurs scandalizez, & liureront l'vn l'autre, & se hayront l'vn l'autre, mesmes des peres & meres, & freres, & parens, & amis, & en feront mourir d'entre vous. Aussi plusieurs faux Prophetes s'esleueront, & en deceurōt plusieurs. Et pource que iniquité abondera, la charité de

refroidira: mais qui perseuerera iusques à la fin;
il sera sauué.

LACTANCE FIRMIAN, AV
traicté des derniers temps.

CEs choses sont dictes par les Prophetes &
Vaticinateurs deuoir aduenir.

Quand la derniere fin du monde commen-
cera à venir, malice aura vigueur, tous genres
de vices & de fraudes seront en frequent vſage,
Iustice perira, il n'y aura foy, misericorde, hon-
te ne verité: force & audace seront en vigueur:
nul n'aura quelque chose, sinon mal acquis, &
defendu de main: & s'ils sont quelques bons,
ils seront en proye & moquerie: nul ne rendra
la pieté deuë aux parens: nul n'aura pitié d'en-
fans ou de vieillards, auarice & conuoitise cor-
rompront tout, ils feront des meurtres & des
effusions de sang: ils feront des guerres, non
seulement aux estranges & voisins, mais en-
cores intestines: les citez batailleront entr'elles,
tout sexe & tout aage traictera les armes: la di-
gnité d'Empire ne sera point obseruee en la
discipline militaire: mais en mode de larcin se-
ra faicte depradation & vastation, &c.

LE
 RECVEIL DES REVELA
 TIONS ET PREDICTIONS
 ADMIRABLES, DE SAINCTE
*Brigide, sainct Cyrille, & autres anciens & no
 tables personnages.*

Ceste Prophetie merueilleuse, & iusques
 à presēt trouuee veritable, a esté en par
 tie reuelce diuinement, & en partie co
 gneuë par la constellation des corps celestes. Et
 traicte de l'estat de l'Eglise aduenir, tant en spi
 ritualité que tēporalité. Pareillement des cho
 ses qui doiuent aduenir à l'Empire Romain,
 aux Royaumes de France, d'Espaigne, d'An
 gleterre, de Dace, de Hongrie, de Boësmie, &
 des Allemaignes. Et la pluspart d'icelle a esté
 extraicte des reuelations de Sainct Cyrille, de
 saincte Brigide, de Sueue, de la Sibile de Crete,
 & d'vn sainct Hermite Allemād, nommé Rey
 nardus Lholhardus. Et commença l'an mil
 cinq cens lxxxiiij. Et durera iusques à l'an
 mil six cens lxxxij.

LE present liure est diuisé en trois parties.
 En la premiere il traicte de l'Astrologie, &
 comment par la cōstellation des corps celestes

RECVEIL DES

on peut preuoir les choses futures. La seconde
traicte de l'Eglise, & des Royaumes Chrestiens.
Et la derniere, de l'Estat du commun peuple
enuers leurs superieurs, & des biens de la terre.

*Les moyens par lesquels l'homme peut iuger
des choses aduenir.*

CHAP. I.

Combien que Dieu tout puissant ait reser-
u       la vraye cognoissance des choses
futures, & que nul ne puisse iuger certainem    
des choses aduenir, comme teimoigne l'escr-
iture, Act. 1. disant: *C'en'est point      vous connoistre
les temps ne les saisons que le pere a mis en sa propre
puissance.* Toutefois de sa grande liberalit     il
donne      les creatures de beaux dons, par les-
quels elles peuuent preuoir aucunement par
coniecture lescites choses aduenir. Comme
l'on voit, des oyseaux qui denoncent la dispo-
sition du temps aduenir, par leur chant & mou-
uement: ou comme quand le Soleil est rouge
uers le soir, il demonstre la serenit     du lende-
main; & quand il est rouge au matin, il monstre
la pluye aduenir deuers le soir: lesquelles cho-
ses sont ainsi ordonnees de Dieu: comme plu-
sieurs ont escrit bien amplement. Aristote     
dit, que les choses futures contingentes la ve-
rit     n'est point determinee, laquelle chose est
vraye & difficile. Puis apres dit, que toute cho-

se future aduendra necessairement. Si ainsi est que toute chose future aduendra necessairement, il faut que la cause precede : laquelle cōme dit Platon, est determinémēt cogneuë seulement par le haut Createur de toutes choses : mais il a donné à l'homme raison, entendemēt & puissance discursiue, par lesquelles il peut predire aucunes choses aduenir. Principalement par les corps celestes : lesquels enclinent les hommes à diuers effets. Et pour le dire en brief, il a donné à l'homme trois moyens particuliers, par lesquels il peut iuger des choses aduenir. Le premier est experiēce, par laquelle on a veu aduenir plusieurs choses de mesmes effect: & par ce moyen les vieux iugent de plusieurs choses futures. Le second est. Astrologie: car comme dit Ptolomee, qui veut sç auoir les grands secrets aduenir, il doit contempler les vertus des corps celestes, à cause que toutes les choses inferieures sont gouuenees d'iceux, & inclinent à diuers accidēs sans necessité. Aristote dit que toute la vertu du mōde inferieur, depend du mōde superieur. Le tiers moyen est par reuelation: car cōbien que Dieu ait seul la vraye cognoissance des choses futures : toutesfois il les reuele aucunesfois à aucuns par vision ou representation, ou par ses Anges, & autres moyēs, comme appert par le dit des Sibyles lesquelles prediloÿēt aux Gētils & aux Romains plusieurs

choses aduenir: comme celle qui dit, que le temple d'eternité ne seroit point destruit à Rome, tant que vne vierge enfanteroit: laquelle chose fut trouuee vraye, & plusieurs autres choses, lesquelles elles ont dit diuinement: & ainsi les Prophetes ont prophetisé plusieurs choses au vieil Testament, & au nouveau Testament. Sainct Iean l'Euangeliste, en se reposant dessus la poitrine de Iesus Christ, cogneut les secrets des choses qui aduiendront à la fin du monde. Je delaisse plusieurs autres; entre lesquels est sainte Brigide, laquelle à eu plusieurs reuelations, lesquelles nous alleguerons souuent. Pareillemēt d'un S. Hermite, nommé Reynardus Lholhardus comme il apparoistra plus à plain. pource il suffit d'auoir ces trois moyens, par lesquels on peut auoir coniecture des choses futures, lesquelles sont donnees par l'auteur de ce present liure, non par arrogāce, mais par exhortation gracieuse, à fin d'auiser vn chacun, principalement les Recteurs du peuple, afin qu'ils donnent remede aux maux que nous craignons d'aduenir: car on dit communement, *Tela præuisa minus nocent*, c'est à dire, que les coups de traits preueuz, nuisent moins. Combien qu'ils ne doiuent point craindre ne croire à vn chascun esprit: car la foy à present est rare par le monde: & où il n'y a point de foy, les œuures sont de nul effect. Et quand

le cõseil & les œuures sont perdus en la terre, il faut auoir recours à Dieu principalement. Et pour ce nous le deuons supplier deuotement: afin que par sa grace nous vueille pardonner nos offenses & qu'il nous donne la grace d'acquérir vertu, & de viure en paix, & faire telles œuures en ce monde, qu'il destourne son ire de nous, & qu'il soit tousiours pour nous, & contre nous nul ne pourra estre. Or maintenant escoutez, quiconque aura des oreilles pour escouter.

PTOLOMEE.

L'homme sage dominera par dessus les influences des planettes, lesquelles ne produisent point necessairement leurs vertus és corps terrestres: mais seulement les inclinent, & pource on s'en peut garder par prudence & discretion.

ARISTOTE.

Les choses qui sont creés de leur nature sont bien disposees, & vn seul Seigneur a dõné puissance aux astres de les varier par leur influences és parties inferieures.

LA SIBYLE.

Nous sommes és limites & fins du monde, ausquels les maux sont meslez avec les vertus: & pource chacun elise ce qui est bon, & delaisse lo mauuais.

SAINCTE BRIGIDE.

Confie toy en Dieu, & fay du bien, à fin que

RECUEIL DES

Dieu par sa grace, bonté & misericorde destourne les afflictions qu'il a reuelees à aucuns des siens.

REYNARDVS.

Sois prudent enuers plusieurs, & familier: mais ce que tu veux que les autres celent, tu le deuois celer le premier.

Que la reuelation diuine ne doit point estre cachée, mais publicée à chacun. CHAP. II.

Celuy qui enfouyt son argent à son plaisir, il abuse de son bien, & ne fait à nully iniure. Mais celuy qui cache la science est enuieux, & fait iniure à tous, à cause qu'il cache ce qui appartient à chacun. Et pource on doit dire: *Vient ceux qui ayment science, & qui la sement: Car semer la sciēce, est l'esleuer en honneur.* Et pource le Lecteur enuieux delaisse nos esprits, & le sage les reprenne, s'il y a chose qui soit à reprēdre. Car de tous ceux qui sont en ce monde, aucuns ont science par doctrine, & aucuns par inspiration diuine: & tout par le moyen du sainct Esprit. Nostre doctrine & escrit n'est point par humaine persuasion ny orgueil, mais en esprit de verité & simplicité: C'est chose naturelle à l'homme de cognoistre la verité par les effectz exterieurs: mais quand ils surmontent les ceuures naturelles communes, on vient par miracles à cognoistre la chose supernaturelle. S. Ambroise dit que toute verité de quelcōque bouche soit proferee, elle est du S. Esprit. Et par

ce moyen l'homme annonce souuent des choses qui sont vrayes aduenir, à cause que Dieu tout puissant vie d'iceux comme organes, pour manifester la verité quand ils parlent droictement des corps celestes, & de leurs influences. Les inuenteurs des sciences ont dit plusieurs choses aduenir, & tout par le moyen du S. Esprit, lequel est la vraye verité, & par luy vient la reuelation des superieurs aux inferieurs. Et pourtant est dit au premier chapitre de Iob, que les bœufs labouroyent, & les asnes paisloyent, & estoient repeus auptes d'eux. C'est à dire, que les infirmes de ce monde (qui sont figurez par les asnes) doyuēt croire aux majeurs, qui sont figurez par les bœufs celestes. Et pour ce, moy petit homōcule, craignāt l'ire de Dieu, suis comme Ruth, suyuant les moissonneurs (à sçauoir les Philosophes & Astrologues) au champ plein de labour, cueillant les espics, & le fruit de diuerses escritures: & les iugemēs des conionctions des planettes, & eclipses & passions des planettes, & ce qu'ils veulent prefigurer, à fin que no⁹ en puilliōs aduertir vn chacū. *Que ce n'est point chose superflueuse de croire aux constellation des planettes.* CHAP. III.

ARistote dit que nul n'est bō iuge des choses qu'il ignore. Les Philosophes ont dit que les effectz naturels & volontaires ont leurs principes des corps celestes, à cause que necessairement ce monde inferieur est subiect au

RECVEIL DES

actions du superieur, & est gouverné par luy, & pource les indoctes qui n'en ont la cognoissance se deuroyent raire, plus tost que d'vser de destruction, de peur que leur ignorance ne soit declaree. Et s'il leur semble qu'ils soyent doctes, ils sont deceus, pource qu'ils veulent iuger des choses qu'ils ignorent. Et pource dit Aristote au tiers de sa Metaphisique, qu'il n'est point possible d'oster le lien d'ignorance à l'ignorant, ne de luy monstrier choses difficiles: mais bien à ceux qui entendent les eserits des sages, ausquels du tout ie me conformeray quant à la conionction des planettes, & de la grande eclipse: combien que l'opinion de plusieurs temeraires & superstitieux, soit cõtraire, & tant ont induit le peuple par leur doctrine folle à croire, que c'est chose vaine des influences des corps celestes, des eclipses & conionctions d'iceux, & que nullement iceux n'induisent à guerre, à amour, à division & confederation, disans que toutes ces choses sont submises au liberal arbitre des hommes: Toutes fois ils ne scauroyent denier les effets naturels d'iceux, experimentez & cogneues de long temps, tant pour le commun peuple, que par les Philosophes. C'est donc chose vaine d'en parler par tel moyen à ceux qui ne scauroyent prouuer le contraire, qui ne font que detracter des prudents & bien experimentez en cest affaire.

*De l'honneur d'Astrologie par raisons militaires,
& par les exemples des anciens.*

CHAP. IIII.

Nous auons demonstté en partie que ce n'est point chose vaine, d'auoir cognoissance des influences celestes, & que pronostication est chose magnifique & salutaire: car comme dit Cicero en son liure des diuinations, les Romains Monarques de tout le monde, auoyét accoustumé d'observer les cours des planettes, les augures & diuinations, quand ils vouloyét faire quelque bataille. Et Moÿse print Tharbis la fille du Roy d'Ethiopie dedans la cité de Saba, laquelle le regarda quand il se voulut partir d'icelle: car il estoit bon astrologue, & tailla ceux images en deux pierres precieuses, desquelles l'vne donnoit memoire d'amour & l'atre oubliance: desqueilles il bailla à sa femme celle qui donnoit oubliance, & l'autre la retint: & à lors elle perdit l'amour qu'elle auoit en luy, & s'en alla en Egypte sans regrets. Les Atheniens, qui ont esté les plus estimés du monde en sciences & en conseil, pour gouuerner les choses publiques, ont vie des reuelations des Prophetes, & ont tousiours honoré l'astrologie.

RECUEIL DES
Des Vertus des corps celestes.

CHAP. V.

ANciennement les Astrologues estoient en si grand honneur, que deuant tous autres estoient esleuz pour l'administration des choses spirituelles, comme sont les Euesques: mais par l'infortune de Mercure tout est aboly, & sont tous les pauures sans auoir ayde de ceux qui sont sous Iupiter. Les Lacedemoniens n'ont il point donné à leur Roy vn Astrologue, lequel estoit en honneur, & par sa reuelation la chose publique estoit gouuernée? Et iamais nul ne fut esleu Roy de Perse, qu'il ne fut instruit és arts liberaux, & qu'il ne fust Mathématicien. Romulus n'a il pas edifié la ville de Romme par auspication & diuination, tirée par le vol ou cry des oyseaux? Et depuis luy les Consuls & Prestres, ont tenu leur religion en authorité, suyuant les cours des planettes: & par ce moyen regnoist en honneur, & enuoyoit tous les ans six enfans nobles en E-thurie, pour apprendre ladite science. Mais-tesfois, comme recite Titus Liuius, les Romains ont commandé que les Preteurs allas-sent visiter les liures des Sibiles quand ils vou-loyent faire chose de haute entreprinse, ou quand ils voyoyent quelque chose en l'air, qui denonçoit aux Romains, quelque infortune

aduenir, Et quasi tousiours les reuelations des Mathematiciens correspondoient aux vers de la Sibyle.

De la certitude des choses passees & presentes, fait foy aux choses aduenir.

CHAP. VI.

LEs raisons susdites font quelque chose à nostre propos: mais ceux qui me cognoissent depuis que ie suis resident en mon hermitage es parties d'Allemagne, ont cogneu que i'ay predict par l'espace de vingt ans les choses aduenir, & sont aduenues ainli comme nous les auions reuelees à plusieurs: mais ie delaisse pour le present d'en parler, & me suffit que tant les doctes que les indoctes, tant les Chrestiens qu'infideles confessent qu'on peut predire les choses futures par le cours des astres, comme on a esptrouué, & prouuel'on de iour en iour. Qui est celuy qui est tant rude d'esprit & de si mauuaises mœurs, & tant insensé, que quand il regarde le Ciel, qui voulsit denier que la terre & tout ce qui y est, ne soit gauvernee de l'ordonnance de Dieu & par les corps celestes? S'ainli estoit qu'il y eust quelqu'un d'opiniõ contraire, ie luy dirois qu'il offence Dieu, par les raisons & moyens qui s'ensuyuent.

Diuerfes opinions sur les influences des Planettes.

CHAP. VI.

HElas ! pauvre miserable : ne comprends tu point que les Astres conduisent ce mode inferieur , quand par leur mouuement tu vois changer le temps , tu les vois aucunesfois à vn costé , aucunesfois à l'autre , aucunesfois hault , aucunesfois bas , aller , venir , se mōstrer , apres se cacher , maintenant vers Orient , tanrost vers Occident , & changent l'air par leur vertu ? Il faut faire avec telles gens comme avec ceux qui nient les choses euidentes , comme s'ils disoyent que le feu nest point chaud.

Aucuns sont qui ne tiennent compte de scauoir les choses futures , & se moquent des Astrologues. Ceux sont bestiaux , & se gouuernent comme bestes brutes , ne tenant compte de rien sinon de ce qu'ils voyent.

Aucuns sont qui croient , mais ils ne veulent scauoir , à cause que cest chose iuste de cognoistre le mal aduenir & euident , que telles choses aduiendront necessairement , & qu'on ne les pourra euter. Et telles gens sont opiniastrés : car on trouue le contraire vray , comme nous auons dit cy dessus , & sont dignes de reprehension.

Aucuns croient & veulent scauoir , mais ils ne suyuent point le cōseil des Astronomes. Aucuns Astronomes cognoissent les bonnes influences & les mauuaises , ils prennent les bonnes & laissent les mauuaises & ne les veulēt étredre.

Aucuns se delectēt quelquefois aux iugemēs de l'astrologie iudiciaire, puis soudain les delaisent. Telles gens sont inconstans & imprudens.

Aucuns sont qui croyent & prennent labent de sçauoir, s'efforcent de cognoistre la verité, afin qu'ils puissent obuier aux maux aduenir, & se pouruoir des choses à eux necessaires. Et telles gens meritent d'estre nōmez prudens, & peuuent facilement euitter par leur prudence le mal futur, & pour iceux auons voulu composer ce petit liure.

Mais la difficulté de nostre ceuure, & la profōdité des choses qu'il faut cognoistre la brieueté du temps, & la multitude des enuieux, m'admonnestent de requerrir la grace de Dieu tout puissant, à cause que j'ay entrepris choses plus grandes, que ne conuient à la capacité de mon rude entendement.

Oraison de l'auteur a la Saincte Trinité.

CHAP. VIII.

Beneiste soit la Majesté hautaine du Createur : qui par sa diuine prouidence pouruoit à toutes ces creatures, qui pour nous mōstrer sa bonté infinie & immuable, nous à donné des signes admirables, par lesquels sont admonestez plusieurs de leur salut. Et pource, moy indigne, te prie mon Createur, que tu verifies mes parolles & que me conduises selō

RECUEIL DES

la voye de verité: laquelle tu as determinée deuant le commencement du monde. Et comme dit saint Gregoire au 12. de ses Morales: Toutes les choses qui se font en ce monde, se font par le iugement de Dieu, ou par son conseil occult: car luy seul cognoissant les choses qui aduiendront, les a determinées deuant la creation du monde. Il est deslors déterminé quelle fortune ou infortune doit aduenir aux hommes: laquelle chose a déclaré Albert le grand, en son miroir, disant: Quand Dieu a estendu les cieux comme on fait la peau d'un aigneau, il a voulu qu'en icelle par sa diuine bonté, y eust des lettres escriptes, lesquelles s'ot au liure d'Eternité, dedans lequel toutes choses sont veritables. Et pource, si par mes fautes ie pre-dis quelque chose non veritable, il me doit estre imputé, & non à autre: car combien que soyent bien disposez les corps celestes, toutes fois en tous temps aduiennent plusieurs infortunes, lesquelles procedent de la rotondité du ciel. Et pource, vray Createur & modérateur du monde, qui as crée le Soleil & la Lune, qui disposes le cours, le mouuement agile du firmament, & le conduis tous les iours d'Orient en Occident, qui soustiens tous les cieux & les gouernes & soustiens, & sans estre las, auquel toutes les choses créées sont subiectes. Je viens vers toy, afin que tu me donnes quel-

que petite portion de ta misericorde. Je suis le pauvre Ruth, qui te supplie que tu me donnes la grace que ie puisse dire chose qui soit veritable, selon le cours de tes planettes & estoilles, en illustrant mon entendement des rays de ta splendeur incomprehensible, afin que ie puisse cheminer par la voye de la verité, & predire chose qui soit vtile à vn chacun.

La qualité, le lieu, & le temps d'une constellation admirable.

CHAP. IX.

NOus deuons considerer vne conionction des planettes principales, c'est à scauoir de Saturne & de Iupiter, laquelle fut faite l'an 1484. le 25. Novembre, à six heures & quatre minutes apres midy, lors que Cæcur estoit dessus nostre horison & horoscope. Et ceste conionction fort à craindre, demonstrât de grandes calamitez à venir. Et ceste ou semblable conionction, de longt temps n'a point esté veüe, ne fera de longues reuolutions, & pource est de plus fortes influences: & a esté ceste conionction infortunee en vn receptacle malheureux. C'est à scauoir en la maison du Scorpion, au 23. degré, & 24. minutes, en laquelle s'esioit Mars le felon & desloyal. Et lors Iupiter le gracieux fut opprimé de Saturne le mal-vueillant, lequel estoit esleué en

son cercle & eccetrice, principalement vers les parties de Septétrion. Alors Mars triomphoit dessus ceste conjunction, d'autant qu'il estoit seigneur du ciel, & regardoit en bas avec ferocité: & estoit en son propre domicile exalté, & gouernoit la disposition des autres planettes à son vouloir. Et fut le bon Iupiter fort affligé à cause qu'il auoit deux ennemis, & ne pouuoit resister à la violence d'iceux, & ne peut donner aux hommes les secours qu'il auoit accoustumé.

De la duration de ceste constellation.

CHAP. X.

ET pour ce que l'effet de ceste maligne conjunction durera long temps, c'est à scauoir depuis le temps nommé, iusques à l'an 1667. Nous parlerōs d'aucunes qui aduiendront pendant ce temps, lesquelles quand elles seront bien considerées, à cause de leur commixtion, produiront quasi vn mesme effect que ladiete conjunction dessus nommée.

Premier, il aduint en l'an mil quatre cens lxxxv. le xvi. de Mars, vne horrible & & cruelle eclipse de Soleil, laquelle est suruenue à la conjunction dessus nommée, & rendra l'effect d'icelle encore pire que parauant: principalement par vne nouvelle conjunction des infortunées planettes de Saturne & de Mars: & sera le dernier iour de Nouuembre, au 9. de l'an

du Scorpion, à l'heure de la cōbustion imparfaicte de la Lune: en laquelle Saturne l'enuieux par son eleuation total opprime Mars en son domicile: & pour ce sont plusieurs tesmoignages procedans des constellations mauuaises, qui denoncent de grands maux aduenir.

Dequoy il n'ya pas long tēps qu'il à esté fait vne conionction de Iupiter le benin, & de Mars le cruel au 18. degré du Scorpion: mais en icelle la beneuolence de Iupiter à moderé la malice de Mars, & des autres mauuaises constellations, à cause de son eleuation heureuse dessus iceluy.

Après icelle nous est venu à plaisir, de reduire à memoire aucunes grandes conionctions lesquelles au temps passé ont produit des effects merueilleux, lesquels, selon l'opinion d'aucuns durent iusques au temps present.

La grande conionctiō qui fut deuant le Deluge, vint petit à petit, iusques au 15. degré de Leo, & 12. minutes & vint assez lantement: tellement qu'on ne se donnoit point de garde d'icelle.

Le regime de ce monde & le gouvernement distributif de iustice, à esté deuolué iusques à la Lune, & a prins sa puissance, & le degré qu'on nomme le degré de direction, à diuict iusques à la quinte partie de Libra, & en est possesseur: & la Lune se donne la puissance de la diuision

d'iceluy.

Les grandes conionctions lesquelles ont précédé & signifié l'aduenement de nostre Seigneur, le mouuement & domination de l'ascendant dudit an fut deuolué iusques au 13. degré de Libra. Et la perfection de la conionction vint au 19. degré d'Aries, auquel fut receu le degré de perfection de l'ascendant au 12. degré du Scorpion, duquel Venus fut celuy qui fut le diuiseur.

LE SECOND TRACTE, LEQUEL commence à parler de la grande conionction dessusdite, en suyuant la doctrine du vers (Tu supplex ora, tu protege, tuque labora) lequel parle au Pape, à l'Empereur & aux Laboueurs.

NOus auons intétion de declarer cy apres la puissance & les effects de l'Eclipse & conionction dessus nommée. Et diròs quelles choses elles produiront dessus la terre par leurs rays infortunez, sans vouloir déroger à la volonté diuine, ny au liberal arbitre des hommes. Et proteste que tout ce que ie diray ou reueleray, sera conduict & mué selon la volonté & benignité de Dieu tout puissant. Et aussi, selon Ptolomee, les iugemens des Astronomes doivent estre remis entre les choses necessaires & contingentes.

Comme la constellation nommée au ix chapitre du premier traité, fera son influence en l'Eglise, inclinant le chef d'icelle à diuerses infortunes.

CHAP. I.

Celuy qui tient le saint Siege Apostolique, & qui tient le gouuernal du nauire de saint Pierre, doit escouter au temps aduenir. Et combien qu'il soit principal du monde, & qu'il semble qu'il ne soit point subiect aux influences celestes, toutesfois il n'a point puissance d'empescher leur effect. Sa fortune est gouuernée par la volonté de Dieu. Et celuy qui sera esleué par ses merites, aura la clef de vérité, & pourra icelle aucunement euitter l'ordre & la complexion des causes superieures à cause de vertu : Mais comment qu'il en aduienne, ie prie le Seigneur des Seigneurs, qu'il vueille estendre son manteau de grace dessus, & qu'il luy donne iour heureux pour son election, afin qu'il soit intronisé à bonne heure. Jesus-Christ qui fut enuoyé de son Pere en terre, ne fut point excepté de la loy de nature : par plus forte raison, vn homme mortel ne doit point estre excepté des influences ordonnées par la volonté de Dieu, lesquelles souuent sont preueus des hommes, par le cours des astres.

De la restitution de l'Eglise, & de son chef, comprinse pour la representation d'Adam & Eue, par la reuelation de l'abbé Ioachim.

CHAP. II.

LA Cité située dessus la montaigne, selon l'exposition de l'Euangile, *Mathieu 5.* ne peut estre cachée au temps presët. Car deuant que l'influence de la dangereuse Eclipse dessus nommée soit passée, il aduiendra plusieurs inconueniens à l'Eglise, & à la nauire de sainct Pierre.

Ceste nauire sera fort agitée de costé & d'autre, par les ondes & tempestes de la mer, & sera cassée, nagera en grand danger, tellement qu'on ne sçaura de quel costé elle sera soustenuë. Et pour ce, si Dieu tout puissant ne la garde, elle endurera diuers dangers & diuision & semblera qu'elle soit submergée. Mais il nous est certain que ladicte nauire iamais ne sera periclitée & perduë, combien qu'elle soit agitée & vexée des ondes fluctuations, & tempestes de la mer.

L'Abbe Ioachim, dit dessus Ieremie, touchant l'estat de l'Eglise, qu'il y a vn figier, lequel par malediction est deseiché : & vn autre lequel represente l'Eglise Latine, lequel a des feuilles, dont on fait des ceincts, desquels elle se pare honnestement, pour excuser & trouuer excusations en pechez. Et tant Adam re-

presentant le Pape, comme Eue, laquelle mō-
 ſtre les ſujets de l'Egliſe, ſe cachent pauvre-
 mēt deſſous le boys de la gloire eccleſiaſtique.
 Mais pour ce que les Papes ont eu des Princes
 Chreſtiens, le patrimoine de Jeſus- Chriſt : le-
 dit patrimoine a eſté comme le boys de bien &
 de mal, de bien quant à la ſubſtantation de
 leur vie, & le mal quant à l'abus & diſſipation
 d'iceux. Ils deſirent eſtre veus comme les grāds
 par deſſus le peuple, & auoir grand renommed
 par deſſus tout le peuple Chreſtien, & par tous
 les royaumes: & ne ſont point contens du fruit
 de l'arbre, ne des autres choſes deſquelles e-
 ſtoient licite à pluſieurs d'vſer, conioignent a-
 uec eux les femmes des populaires riches, par
 la ſuggeſtion du ſerpent. pareillement les do-
 cteurs & autres piliers.

Prophetie des Eccleſiaſtiques mal viuans.

Mais helas ! ie crains que par le conſeil d'au-
 cuns qui viuent peruerſement ou viuront,
 que les ſimples, les debiles, les forts & les ſça-
 nans qui viuent temerairement, & contre le
 commandement de Dieu, & ſont remplis de
 ſcience qui enfle, & n'edifie point, mais de-
 ſtruit, qui vſurpent les fruits des biens tempo-
 rels, ſeront deiettez en bref de la dignité Ec-
 cleſiaſtique, & ſeront diſpers deſſus la terre, &
 habiteront en la terre de Cain, veſtus de peaux
 de honte & de confuſion.

RECVEIL DES

Et Ieremie au lieu dessus allegué, dit; Il ad-
 uendra que tout ainsi cōme les Iuifs ont prins
 haine & mal-vueillance à l'encontre de Iesus
 Christ & de ses disciples, que les faux Chre-
 stiens s'esleueront contre le S. Esprit, & contre
 l'Eglise, & ceux qui la soustiennent: car selon
 saincte Brigide, en son quart liure des reuela-
 tions, est dit: Malediction, & de rechef male-
 diction quand vn enfant sera assis au siege de la
 fleur de lys. Et en ce temps aduendra tribu-
 lation en l'Eglise Romaine: Car Dieu peut
 aussi susciter les François à l'encontre de l'E-
 glise. Et quand l'Eglise Romaine defaudra,
 quant à obeissance & les Prelats tireront d'Al-
 lemagne aucuns tresors, & esleueront leurs en-
 fans en dignité seculiere, & que la mere volera
 avec son petit, lors le peuple Chrestien viendra
 à guerroyer: & lors y aura clameur & hurle-
 mens dessus tout homme. Le maistre des astres
 est venu: doncques les Iuges s'en aillent en-
 horter le peuple, & annoncer qu'il garde que
 la nauire ne soit plongee. Car si Dieu n'appa-
 roist, sainct Pierre sera en doute, à cause que
 les Prelats seront affligez, afin qu'ils ne pres-
 chent la parole de Dieu. Et ces choses seront
 faiètes par l'oppression de Iupiter le benin, fai-
 ète en la maison de Mars le cruel. Laquelle
 chose demonstlera l'eclipse, avec la revolu-
 tion de l'an du monde, quand le moderne &

son successeur prochain suscitera la mere de l'Aigle à l'encontre des Princes de la Vierge. Alors Mars se courroucera aux Iouiens qui resident vers le Ryn & vers la mer Occidentale, & tacherera le petit, lequel aura fort à souffrir de ses subiets. Et de ce moult de maux aduendroit, & le chef de la Foy, comme vn arbre qui ne porte fruct, se trespasera de ce monde: & fera mal o bey où il sera. Et alors la ville de Rome à grand peine sera digne d'auoir ses Prelats accoustumez.

Comment par la reuelation de sainte Brigide, les dangers & scismes de l'Eglise apparoiſtront, quand les François seront en paix avec les Allemans.

CHAP. III.

Sainte Brigide dit au liure de ses reuelations, que dessous la grande aigle, laquelle nourrira le feu en son cœur, l'Eglise sera opprimee: car Dieu a la puissance de prouoquer les Allemans, qui se content plus de leur puissance humaine, que de celle de Dieu, à faire assaux à l'encontre de l'Eglise, & de vexer le Clergé. Et ainsi est necessaire que Saint Pierre se prepare à s'enfuir, pour euitter seruitude. Alors l'Eglise Occidentale se doit garder que la puissance Gallicane ne luy soit appuyement d'une ronce, à laquelle quand on se veut appuyer, on se perce les mains.

R E C V E I L D E S

Ainsi est donné à entendre comme les Alle-
mans Scorpionnistes, seront confederez avec
le Lys: & alors l'Eglise portera la croix de la-
mentation auprès du Rhin. Et en la terre de la
Lune vers la mer Occidentale, seront veuz des
maux, qui iamais ne furent ouys, à cause qu'a-
lors Saturne fulminera sa sentence dessus ses
subiects, quant il entrera en sa maison propre:
& alors les Romains hesiteront en la foy, la-
quelle chose n'a esté veüe de long temps, & viē-
dront les temps d'agereux en l'Eglise Sainct
Pierre, & des diuisions entre les Cardinaux, &
dureront iceux maux long temps, & sont figu-
rez, *Iudicium sexto*, par les sept cheueux de Sa-
son, desquels la nation d'Allemagne doit estre
ornée & les ont voulu arracher, ceux de Gand
de Bruges, de Flandres, & de Picardie, les-
quels ont delaisié leurs Princes & confederez,
auquels auoyent fiance: & pource le chef sera
debile, apres qu'il aura perdu ses cheueux, cō-
me fut Sanson apres qu'il eut perdu les siens.

*Par diuers exēples l'auteur preuue la vertu de paix,
induisāt les Princes à l'hōneur de l'Empire Romain.*

C H A P. I I I I.

IL est de nature chose bien ordonnée, qu'en
toute vniuersité y ayt vn chef, pour garder
l'vnité d'icelle: & par ce moyen chacun est
plus loin de danger. Et pour ce les Grues ont
vn Duc,

Vn Duc, qui leur mōstre le chemin quand elles volent, ou qu'elles dorment. Quand les Abeilles font leur miel, elles ont vn Roy, avec lequel s'assemblent. Pareilles chose est des Formis. Semblablement est quand les gendarmes sont en la guerre, ils ont vn Capitaine, auquel ils obeissent. Et pource le prince des Philosophes Aristote, dit que la pluralité des principautez est mauuaise: & pour ce il dit qu'il en doit estre vn, auquel les autres doyent porter honneur, & obeir en bien, pour defendre la chose publique.

Et pource i'admoneste que tous ceux qui sont Chrestiens, ayent vn chef monarque, auquel s'adressent, & par lequel se conduisent. Quand nostre Sauueur vint en ce monde, il honnora l'Empire Romain, d'autant qu'il appaisa l'Empereur, & fit cesser la guerre par toute la terre, pour monstrier que nous deuous aymer la paix. Et pource, non sans cause, fut dit par Dauid: Es iours du Seigneur Iesus-Christ, naistra abondance de paix. De rechef nostre Sauueur a honoré l'Empire Romain, d'autant qu'il dit (comme est recité, *Matth. 22.*) Rendez les choses qui appartiennent à Cesar, à Cesar. D'auantage quand il voulut partir de ce monde, il confirma l'empire Romain, dessusdit (comme prouue sainct Luc.) Car les Apostres luy dirent: Sire, voicy deux glaiues. Et

RECUEIL DES

alors respondit: c'est assez, il suffit, Par ceste parolle Iesus. Christ a approuvé la puissance Imperiale.

Item, quasi à l'heure de sa mort a confirmé l'honneur de l'Empire souuent nommé: Car quand Pilate se vançoit de le mettre à mort, alors il luy dit, qu'il n'auroit point de puissance, qu'elle ne luy fust donnée d'en haut. Aucuns exposent d'en haut, c'est à dire du ciel celeste, ou autrement d'en haut: c'est à dire de Cesar, lequel auoit constitué Pilate iuge en cest affaire. Et pource croyent les Iuifs: Si tu le laisses, tu ne seras point amy de Cesar.

D'auantage l'Empire Romain est honoré de ce qu'il est dit, que durant iceluy ne viendra point l'homme plein de pechés le fils de perdition Antechrist. Et pource S. Paul aux Thessal. chap. 2. de la seconde Epistre, admoneste l'Empereur, disant: Qui tient, si tienne. Lesquelles choses veulét dire, qu'on doit maintenir l'Empire en sa valeur: car alors qu'il sera osté l'Antechrist viendra & approchera la fin du monde.

Comment au temps de l'Empereur Frederic, aduientront de grands maux, l'espace de xxiiij. ans & demy. CHAP. V.

A Pres le regne de l'Empereur Frederic troisieme, abondera toute iniquité & infidelité, tellement qu'à grand peine se pourra faire election, & dira le peuple, que le temps

passé estoit plus pacifique & plus heureux que
 ledict temps. Et pource est dict aux Pseaumes,
 qu'en vn temps viendra abondance de paix, &
 apres sera ostée la Lune, c'est à dire l'Empire
 Romain. Sainct Paul dit: Saches que vers la
 fin du monde, il aduiendra de grandes tribula-
 tiōs & guerres, lesquelles n'ont point esté veuës
 parauant, & dureront long temps, & pourtant
 tous Chrestiens doyent craindre Dieu, & ay-
 mer leur Prince superlatif: car qui fera le con-
 traire, mourra comme scismatique. Le cognois
 (Prince hautain) que i'ay commencé vn œu-
 ure grand & difficile: car ce n'est point chose
 de petitpoix de parler de l'estat des Empereurs.
 Et d'auantage il faut auoir bon entendement,
 pour comprendre le mouuement des cieux, &
 les influences des planettes, & les conionctiōs,
 desquelles les significations durent iusques
 au temps present, & dureront, à cause de
 l'eclipse, laquelle s'est adioincte avec icelle,
 combien qu'ils ayent diuerses causes, & d'icel-
 les par ordre admirable, sera à cause que la con-
 nexion produit vne mesme disposition. Et
 pour reuenir à nostre propos, quant à l'esle-
 ction des Empereurs, elle sera difficile, & il
 suruiendra de grandes fortunes. Et du temps
 d'iceux se mouuera de grandes haines entre les
 Princes, & beaucoup de fraudes & deceptiōs, &
 de grandes batailles entre les nobles, & seront

RÉCUEIL DES

plusieurs seigneurs rebelles à l'Empire: & quand vne guerre sera finie, l'autre recommencera.

Comment par la reuelation de sainte Brigide, l'Eglise sera troublée au temps de Maximilian, par les François. CHAP. VI.

IL est escript au liure des tribulations, que Moab & Amon les deux fils de Loth, qui furent nez d'inceste, designent deux generatiōs, c'est à sçauoir le Lyon sauuage, & le Lys Occidental, lesquels feront assaux & batailles au camp de la vierge, alors que l'aigle volera avec son petit. Et alors se fera grande confederation és parties d'Orient par les Leonistes: & les Baioriques seront en tristesse.

S. François & S. Brigide disent: Il viendra vn Roy à la face pudique (qui est celuy, Dieu le sçait) & deffous luy l'Eglise sera oppressee; & les gens d'Eglise vexez par tout. Et alors seront preparez aucuns Baioriques, à faire nuisance à l'Eglise Romaine, soy confians plus de leur tyrannie, que de la puissance de Dieu. Alors le Roy François surmontant les Allemãs, en tuera beaucoup: mais en la fin il succombera. Et iceluy à la face pudique regnera par tout: & entrant au nid del'Aigle, sa mere tiendra sa monarchie, depuis Orient iusques en Occident.

Il est escript au liure des Reuelations de Reynardus Lholhardus, Le Loup, c'est la terre Oc-

cidentale, deiette l'Aigle en son petit militera:
 d'auantage, ses propres luy dechireront la peau,
 & demourera nud, cherchant ayde, & n'en
 trouuera point. Alors l'Aigle deiettee des ter-
 res de Virgo, esmouuera la fleur de Lys, & s'en-
 uolera vers les parties du Midy, pour recourir
 ce qu'elle auoit perdu. Apres viendra le Che-
 ualier signé en la poitrine, lequel apres dix ans
 passez mettra à mort le Lyon, & alors s'esleue-
 ra la grande Aigle, laquelle chastiera les prin-
 cipaux, & ceux qui habitent en la mer milite-
 ront en tristesse. Qui pourra resister à luy,
 quand il aura puissance d'enhaut? i' acquerra
 trois royaumes, & le peuple crierà, *Væ, Væ.* c'est
 à dire, malheur sur nous. Ceste grande Aigle
 dormira encor cinq ans, & s'esleuera & com-
 mencera à se diuiser avec le Lys, & fera trem-
 bler les montagnes orgueilleuses. Elles esteu-
 dra ses ailles à la proye, & aguifera ses ongles,
 pour mieux prendre, & ouurira son bec pour
 deuorer. Du son de ses ailles elle troublera les
 villes & chasteaux. Et en ce temps sera grand
 dueil & aigre, plus qu'on n'a veu de long tēps.
 Ceux qui demeurent és eaux Occidentales, en
 la terre de Virgo, viuront sans tristesse, le Lys
 fera en paix, & sera tousiours nommee noble
 d'iceux, & ce viēdra par le Soleil adioinct avec
 le Lyon. Et viuant vn Coq, en sera creē vn au-
 tre, qui donnera faueur à l'Aigle.

RECVEIL DES

*La Germanie inferieure se rebellera contre l'effroy
Empeur, par la reuelation d'vne Sibyle, & de
Reynardus hermite. CHAP. VII.*

LA Sibyle Cumane, parlant en esprit de Prophetie, a dit: Apres petit de temps sortira l'aigle des rochers d'Allemaigne, accompagnee de plusieurs Griffons, & volera au iardin du Careme, & celuy qui sera assis au siego du Pasteur, sera dechassé du cinquiesme lieu au septiesme. Il assaudra celuy qui aura blessé son pere, & le deuotera, & retiendra son nid l'espace de cinquante ans, durant lesquels ne sera point paix és terres de la vierge: pendant ce temps regnera vne nation sans chef, apres s'adioindra l'Aigle. Nous auons la figure au liure d'Hester au 5. chapitre, où il dit que deux eunuches qui gardoyent la porte du palais du Roy, le voulurent tuer: laquelle chose fut cogneuë de Mardocheus, ou Maximilian,

Ces deux eunuches sont les sujets infideles, qui portent en leur cœur le venin, pour te nuire, & à tes sujets fideles. Garde toy bien iusques au 34. an de ton aage, car tu verras l'exaltation de ton nom: mais ce temps pendant tu verras plusieurs infortunes, tant vers toy que vers tes subiects.

Le bon pere Reynardus, voyant les aduerfitez qui doyuent aduenir au Clergé & à l'Eglise, dit en son liure de tribulatiōs: Les enfans

de l'Allemagne inferieure, serõt la viande aux oyseaux du ciel, & aux bestes de la terre. Pareillement ceux du cœur de la Vierge & du Scorpion cherront dessus le glaiue à deux trenchãs, & ne demourera pas vn d'iceux impuny, l'habitation des Occidentaux & des Scorpionistes sera deserte. Dieu enuoyera le glaiue de Mars, plein de desolation vers Picardie, Flandre, & aux parties adiacentes: apres le Sceptre sera transporté aux Baioriques. Et adonc beaucoup de rays de l'Eglise seront offusquees, tant en Allemagne qu'en France: & l'aduenement du dit roy sera sans aucuns signes. Quand il dira, paix & seureté aduienne à mes subiects: ce sera alors qu'ils mourront sans attendre. Et pource dit Ioachim au liure des diuerses infortunes: A la ruine de Hierico, & de l'orgueil du monde, laquelle denote qu'à la ruine de l'Empire plusieurs Roys viendront contre les Allemans Israélites, & seront expugnez pour Maximilian, à cause qu'il esleuera en haut son escu, attendant ayde, non seulement des hommes, mais aussi de Dieu: & se releuera volant en haut à choses ardues & difficiles.

Comment l'Eglise vacillera es parties de Allemagne, dessous les Electeurs de l'Empire, par la representation des Auges. CHAP. VIII.

L'abbé Ioachim dessus Ieremie, dit: En vengeance seront les saints Docteurs & les

RECVEIL DES

Princes del'Empire, qui sont representees par les sept Anges qui portent des fioles ou ampoules qui distillent, desquelles l'une est sur la terre, la seconde sur la mer, la tierce dessus les fontaines, la quarte sous le Soleil, la quinte sur le siege de la beste, la six dessus le fleuve Euphrates, & la sept en l'air, Voyla comment le peuple Chrestien sera oppresse, blessé d'angoisses & tribulations diuerses, & specialement les cleres & les prelates, tellement qu'ils seront deprisez de tous, & desauéz de leur dignité. Et d'autant que Rome s'est glorifiée de ses prelatures & dignitez, & qu'elle a esté en delices, de tant aura d'oppression & de tribulation avec humilité.

Car la terre de Brandebourg Tudaizera, tant vers les Chrestiens, que vers les Iuifs: & le peuple adorera l'or comme Dieu, quand Saturne entrera en la maison de Mars, qui sont a l'an mil six cens & deux.

La mer de Venise paganisera en bref temps, perdant les dignitez de l'Eglise, & se submettra au fleuve de volupté.

La fontaine de Coulongne philosophera choses hautaines, & sera esleuee en doctrine.

Le Soleil de Treues feindra estre religieux, mais sera de vie lubrique.

La dignité leur sera ostee par les diables, & sera donnée aux gens de France, pour les op-

presser en tribulations.

Le siege de la beste de Bohème tiendra heresie, & en semera en Allemaigne, & la zizanie d'iceux gastera les bleds des Prelats qui habitent pres du Ryn.

Le fleuve de ceux de Palatin tyranni sera, en amenant plusieurs estrangers en son pays : lesquels, hélas ! feront plusieurs maux.

L'air de ceux de Magonce sera ecclesiastique, & eux seulement par prieres appaiseront Dieu tout puissant : mais ce ne durera pas long temps, à cause qu'il n'y a nulle conionction de Iesus à Belial, de Iupiter à Saturne, de l'Eglise aux tyrans. Ce sont les sept fiolles distillantes, lesquelles dureront plus de mille ans en iceux, & leurs sequaces : & apres sera fait nouuel ordre en l'Eglise Catholique, si Dieu ne donne bouche & prudence à ceux qui le supplieront. *La dissention de l'Eglise, sera depuis l'an mil quatre cens nonante deux, & seront de diuerses rebellions, iusques en en l'an 1642.* CHAP. IX.

TOut ce que Hieremie a dit de la destruction de la Synagogue, on le peut dire maintenant de l'Eglise Occidentale, & de l'Empire Romain, à cause de la similitude, laquelle chose est entēduē avec douleur en Coulongne & Treues. Et depuis ce temps sera nouuel ordre, comme il y'eut au temps de Samuël, quand le Roy de Babylone enuoya Ophni &

Phinees prestres, deuers luy, les Prelats de Dieu seront captifs du Prince de Rome: & alors l'Eglise sera quasi perie, & decherront les grands Prelats d'icelle, & demeurera agitee & en danger comme fut Mardocheus dessous Aman. Et pource est necessaire que les Astrologues cognoissans la ruyne de l'Eglise, ne doiuent cesser de le reueler à chascun à fin que les Ecclesiastiques ne cessent de plorer, de peur qu'ils ne soyent submergez dessous la nacelle de S. Pierre. O entre vous qui dispersez les fiolles de l'Empire notez ces paroles, & signez les mysteres: si ie taisois la verité, ie ne serois point des Cheualiers de Iesus Christ. Il y aura en Allemagne si grande affliction entre les Iouialistes, & ceux qui porteront tonsure ecclesiastique, qu'ils la cacheront, & diront qu'ils ne seront point Prestres. Et adonc sera mauuaise diuision entre les Cardinaux, & perdront les biens de l'Eglise dessous vos rays. Il viendra entre vous vne hayne capitale, & guerre mortelle: car le temps viendra furtiuement, qui incitera vos courages à la guerre, & seront veuz en l'air des choses qui porteront des calamitez aduenir. Le feu s'allumera en vos cœurs: mais, holas! quelle turbatiō se suscitara entre les freres electeurs, par le cruel aspect de Mars. Entre vous qui deuez estre prudens, escoutez le, dit de nostre Seigneur: Tout royaume diuisé en

foy, sera desolé. Et pource soyez prudens, que l'Empire ne soit destruiet : car apres qu'il sera destruiet, est necessaire que le monde fine. Regardez l'Aigle, laquelle est quasi desplumee, & comment ses plumes sont perduës, tellement qu'elle ne peut voler. Vne colombe ne peut voler avec vne æsle. La nacelle de S. Pierre ne peut estre menee droictement avec vn auron, entre tant de tempestes, qui sont en ce monde. La colombe qui n'a qu'une æsle est mangée des oyseaux & des bestes de la terre : & nul moustre ne vit longuement, à cause qu'il est contre nature. Tous les Princes qui veulent destruire l'Empire, quant à ce, sont messagers de l'Antechrist. Et pourtant lesdits sept Princes & leurs subjects se doyent donner garde, que par leurs pechez, par le iugement de Dieu, l'Empire ne leur soit osté : car il est necessaire qu'il aduiene des scandales : toutesfois celuy par qui ils viennent est maudit. Et vrayement est necessaire que cest ardeur de dominer, & d'avarice aveuglisse l'Esprit des hommes, tellement qu'ils ne veulent point faire ce qu'ils oyent, ne la verité qu'ils cognoissent. Et pource ils ont des yeux, & ne voyent goutte, ignorant que leurs principautez sont empoisonnees de venin incurable. Et non seulement ceux de Boheme & de Pologne : mais aussi ceux de Dace, &

R E C V E I L D E S

les Anglois s'esioüissent avec nations barbares, à cause que Saturne le pestifereux, opprime Iupiter le gracieux, en sa tresmauuaise & dangereuse eleuation.

Exhortation pour l'vnitè de l'Eglise, & pour la maintenance de l'Empire Romain.

C H A P. X.

A La mienne volonté, que les Princes auxquels est commise l'eslection du Royaume superieur, fussent prudens, & qu'ils entendissent & pourueussent aux choses dernieres. A la mienne volonté qu'ils entendissent iustice, & qu'ils la fissent, & que au Roy Maximilian, lequel ils ont esleu en la cité de Francfort, vnalement luy fissent l'honneur qui luy est deu. A la mienne volonté que ceux qui ont la puissance, & sont exaltez en honneur, qu'ils entendissent leur estat, & qu'ils ne fussent point ingrats. A la mienne volonté que ces sept, auxquels appartient le droict & la puissance d'eslire l'Empereur, pourueussent aux dangers qui viendront apres que l'Empire Romain sera destruiet. Car Dieu l'a donné dessus la terre, comme vne des choses dernieres: Et quand il sera osté, il aduendra si grande tribulation dessus la terre, que chacun s'en esmerueillera. Et comme il est dit en S. Matthieu & S. Marc: Si iceux iours ne fussent abregez, toute chair n'eust esté sauue. Les choses dessus nommees denotent la

conversation seculiere de ceux qui s'õt de deçà
 le Rhin : car ils representent la dignité de Sa-
 muel, lequel combien qu'il fust Prestre, il au-
 uoit l'office de Iuge. Il esleut vn Roy en Israël,
 & apres le consacra Roy. Les Prelats d'Alle-
 maigne ne sont point les Vicaires de celuy qui
 s'en fuit delaisant son fuair e, mais bien de ce-
 luy qui dit, mon seigneur, ie suis prest d'aller
 avec toy, & en la mort & en la vie : & tira son
 glaive au temps d'aduersité, & en couppa l'o-
 reille du seruireur du Prince de la loy, demon-
 strant qu'il luy eust volontiers osté la teste. Et
 combien qu'a la voix de la chambriere, il de-
 nia Iesus-Christ quelque fois : ce neantmoins
 il reuint en la foy plus fort que deuant. Il n'ya
 rien de mal ordonné aux ceures du Createur :
 car enuers luy tout ainsi est le temps de guerre
 comme le temps de paix : les hommes sont or-
 donnez ainsi de Dieu à la paix & à la guerre. Je
 parle à vous, qui estes Princes des Allemaignes,
 afin que vous ayez aux esleus Empereurs, les-
 quels sont les aduocats de l'Eglise, qui conduit
 l'isle senestre de la colombe, de la nacelle de
 saint Pierre. Et si vous la sousteniez comme
 vos predecesseurs ont fait, sans doute toute
 puissance seroit petite : car alors non seulemēt
 Italie, Lombardie, Boheme, & Grece au-
 royent peur : mais aussi les Espaignes & les Bar-
 bares auroyent grande crainte : à la venuë des

RECVEIL DES

fleurs, les oyseaux chantent: & quand ils oyent chanter l'Agle, ils se taisent. Nous croions n'auoir dit chose qui ne soit vraye, demãdãt pardõ. *Qu'en Allemagne s'estleuera vn nouveau Prince, qui prendra par armes plusieurs terres d'Allemagne.*

CHAP. XI.

NOstre mere l'Eglise pleure: la Vierge qui demeure dessus le Rhin, crie: Vous Pasteurs & Recteurs dudit lieu, pleurez, & aussi Lorrains, Argentins, Suisses, François, Orientaux, desuestez vous de la robbe de ioye, en la terre de la Vierge, & vestez vous de la haire de cendre.

Othuringe, Hesse, Vversteruuault, Vvedranie, fais pleurs, disant: l'ay noutry mon peuple, & l'ay exaucé: mais apres m'a delaissé, & m'a guetté comme fait le Lyon les autres bestes: & pource mes ioyes sont conuerties en pleurs. O gent miserable! delaissee iusques à ceste heure en la malice du monde: pource que le Basilic nouveau qui est venu dessus toy, n'est point gouuerneur, mais desolateur, des fidelles. Il n'est point consolateur, mais rauisseur des fidelles. Il n'est point protecteur, mais oppresseur des orphelins, & des fẽmes vefues, par toutes les Allemaignes.

Vn nouveau destruisieur & nouvelle macule est venuë aux Princes d'Allemagne, tellement que le commun peuple dit:

La racine de peché est venue des Scorpionistes, pire que celle d'Antiochus, qui emporta les vaisseaux du Temple de Dieu: pire que Ioab, remply de toute deception. pire que Achab, lequel des vignes de Dieu omnipotent, en fit vn iardin à chous: pire qu'Apollonius lequel desroba les biens du temple de Dieu: pire que Iudas, qui en faignant la paix deceut Iesus-Christ. Pire que Holofernes, qui auoit soif du sang des humains. Pire que Sanson, lequel fut auéuglé par la malice des femmes, sans iamais auoir honte Il sera dilapidateur du patrimoine de Iesus-Christ, & sera amateur des femmes impudiques. Il sera le dragon venimeux, qui persecutera l'espouse de Iesus-Christ en plusieurs dioceses, lequel troublera la terre. Il ne dormira point: mais continuellement machinera quelque mal, & tiendra conseil avec les mauuais. Domitian & Diocletian estoient tres-cruels. Dacian & Maximilian estoient persecuteurs enormes. African & Iulian l'Apostat estoient desesperes. Neron & Adrian estoient les plus inhumains qui furent oncques: mais iamais nul d'iceux ne fit des choses tant cruelles, & que celuy fera au peuple d'Allemagne: il ne craindra point Dieu, il ne pardonnera point aux iustes: il ne craindra point d'offencer le chef de l'Eglise: il ne craindra point d'exter-

RECUEIL DES

miner les lieux saincts , & n'aura point honte de commettre sacrilege. Helas ! qu'il fera des choses contre l'ordonnance Catholique : tant qu'il n'ya l'ague qui la sceust racõter. Telles gēs qui espendent le sang n'acheueront point la moitié de leurs iours.

O racine de peché, tu seras puny de Dieu, & alors il t'adutendra vn signe, c'est que l'or de ta sapience sea obscur, & deuiendra frenetique & sera bruit que tu seras insensé, ta bõne coulleur sera changée, & seras appellé par tout le monde heretique, tu ne seras pas comme ton pere, Duc entier : mais seras plein de toute fraude. Et pour ce tu te dois taire, sans semer zizanie entre les Princes d'Allemaigne, le Liõ, & l'Empire : car tu dois sçauoir que ton aage n'est point perpetuel.

Après la persecution des iustes, viendra paix, cõme en la passion de Iesus Christ, Pilate & Herodes furent amis.

CHAP. XII.

IL est necessaire que les hommes viuent selon l'Esprit, à fin que l'orgueil de la chair, soit osté, à cause que toute chair, viuant charnellement, corrompt par sa malice toute la terre, il est requis qu'il aduienne dessus l'Empire vn deluge, lequel gastera ce qui sera sur terre

terre ou il sera , apres les hommes seront destruits avec la terre. Et au signe de tel deluge, afin qu'il soit retenu & qu'il ne gaste l'Allemagne inferieure apparoitra en l'air vn arc és parties de Magonce, lequel monstrera la confederation entre Dieu & les hommes. Il y aura vn Capitaine prudent, & de bonnes mœurs, auquel seront enuoyez dix mille Anges en vn chariot, & ne tardera point de deffendre ses subjects, combien qu'il soit dit, *Baruch* 3. Il y a eu des Geans, qui estoient de grande stature, & sçauoyent les faiets de la guerre: toutefois Dieu ne les a point esleuz. Et pource entre vous Princes hault eleuez, regardez vostre vocation: car comme dit S. Paul 1. aux Corinthiens. Dieu n'a point esleu les sages mondains & les puissans: mais ceux qui sembloient estre fols au monde, afin qu'il confondit les sages. Il ne faut point donques penser appaiser Dieu par armes, mais par prieres. Et adonc la loy d'Israël sera en valeur vers le fleuve du Rhin. Car Mars de son mauuais aspect regarde Iupiter opprimé, pourtant mets ces choses en ton cœur. Et pour ce que Pilate & Herode furent faits amis par Iesus innocēt, regarde quelle sera la paix de Iesus & de Belial, de l'Eglise au diable & à ses ministres, du Loup avec l'Aigneau, certes douloureuse. Le Chariot n'est point biō mené de bœufs inegaux. L'election diuine ne

R E C V E I L D E S

essit point ceux qui aiment la guerre ou espendent le sang, Abacuc au 2. chap. dit : Malediction sur ceux qui edifient en sang, en Sion. Iesus-Christ n'a point esleu ceux de son sang, comme il appert de la mere des fils de Zebedee, Dathan & Abiron, à l'encontre desquels vint l'ire de Dieu, & furent engloutiz en la terre par leur orgueil & violéce, pource qu'ils vouloient vsurper l'honneur de grand Prestre, comme il est escrit : *Num. 16.* Pourtant, Prince magnifique, si tu veux preuenir ton frere en domination, il faut que tu le preuienne par ser-vice & amitié. Et en leuant les mains à Dieu, tu auras victoire, & pareillement la loy d'Israël, Laisse dormir la guerre, autrement tu esueilleras Mars le cruel, à l'encontre de l'Aigle hautaine. Les Iouialistes seront subiects, & les Mercurialistes s'fiouyront.

Il declare comment la dignité Imperiale a esté donnée aux Aliemans, & figuree par le baston de saint Pierre, qui fut apporté à Treues.

C H A P. XIII.

A Pres la mort de sainte Materne, qui fut en Alsatie, en vne ville nommee Elegia, vindrent saint Eucharie & saint Valerian à Rome, à saint Pierre, disans : Nous te supplions que tu nous donnes vn Pasteur au lieu de Materne. Alors dist saint Pierre : Il ne faut point ainsi faire, mais afin que la gloire de Dieu

soit manifeste au peuple, prenez mon baston, & le mettez dessus luy, disant: Sainct Pierre l'Apostre te commande qu'au nom de Iesus-Christ tu te leues: laquelle chose fut faicte. Et ledit Materne, qui auoit esté 40. iours au sepulchre, fut resuscité, & vesquit depuis 40. ans. Et quand il baptisoit le peuple de Treues, il vint si grande quantité de peuple, qu'il les faut baptizer en vne petite riuere, qui passe parmy la ville, laquelle pour lors on nommoit Belga. Et quand le sainct Cresme fut failly la dicte riuere par miracle fut pleine d'huile, & est appellee pour ceste cause au temps present, *Oleua*, quasi, *Olei via*. Apres que sainct Materne fut resuscité, le baston dessus nommé fut diuisé en deux parties, desquelles l'vne est à present à Treues avec le corps dudit sainct. La partie superieure dudit baston est à Coulõgne & est gardee en grãde reuerẽce, & est la cause pour quoy le Pape ne porte point de baston à cause que celuy dessus nommé, par escrit de prophetie a esté apporté es Allemaignes, partãt notez ces parolles: qui sera celuy qui sepatera ceux de Treues de ceux de Coulõgne, qui sont freres? Quelle chose est de plus grande dignité que le baston de S. Pierre, par lequel il amenoit grande multitude de gens à la foy de Iesus-Christ? Nous n'etendõs pas S. Pierre sinõ la dignité papale: & pour sõ baston l'authorité pastorale par la-

quelle la brebis errante est reduicte à son troupeau. Par iceluy baston le pasteur est soustenu quãd l'Empereur honore & exalte le souuerain Prelat. Il fut enuoyé en Gaule Belgique par S. Pierre Euesque d'Antioche, comme est dit dessus: & ce signifoit l'electiõ de l'Empire qui deuoit estre transferé aux Allemans: laquelle chose fut faicte depuis par le Pape, & Charles le magnifique.

Nous auons dit que ledit baston fut diuisé en deux parties, & que la partie superieure fut enuoyé à Coulongne. Et pource l'Euesque de Coulongne n'a point seulement puissance d'eslire l'Empereur: mais apres son election il le doit consacrer, faisans l'office du Pape, qui doit consacrer l'esleu Empereur. Pource, non sans cause, a esté institué l'Empire Romain, mais a esté prefiguré par plusieurs figures. Mais pourtant ne faut point que vous en glorifiez. Et d'autant que vous estes entre vous discordans, de tant estes moins dignes dudit honneur.

Il est dit, *Esa. 22.* Escoutez ce, dit le Seigneur des batailles, Allez deuers celuy qui habite au tabernacle à l'entree du temple, & luy dictes: qui es tu? que fais tu icy? Pource que tu t'es preparé vn sepulchre, tu as taillé la memoire de toy en haut. Fais que tu sois seigneur de ton tabernacle, Dieu te fera porter en di-

uers lieux, comme on transporte le coq de lieu en autre. Helas ! s'il n'y a point de charité entre vous freres, comment en y aura-il entre les estrangers ? Voicy le temps que plusieurs maux viendront en diuers pais.

Comment les Tyrans gasteront l'Euesché de Treues, & de Coulongne, & vacquera le Siege Apostolique dessus le signe du Loup & de Lours.

CHAP. XIII.

ENtre vous gens discretz qui estes dessous le baston de Saint Pierre, escoutez. Reynardus le bon pere vit par vision les tribulatiōs aduenir à l'Eglise, & dit en ceste maniere: Apres ce temps viendront deux freres, qui se debateront, & tiendront vn baston à chacune de leurs mains. Et l'vn d'iceux portera la croix rouge en bas, & l'autre portera la croix noire en hault, & tous les cleres seront conturbez: le Loup & Lours viendront raur le baston. Et alors les deux freres seront tristes, craignant que leur temps soit venu.

Il est donné à entendre, que par la Duché de Guerdres suruiēdront des maux nouueaux, & que le Lys sera mis dedans, & Lours vexera l'Eglise de Coulongne. Apres mōtera le Loup aduerfaire de l'Eglise à Treues, pour raur la substance des habitans. Ceste chose est figuree en Genesé 14. ou il dit: Il y auoit sept vaches

REGVEIL DES

maigres & ordes, qui sortoyent du fleuve, & mangeoyent aupres de la riue au lieu fort fecond & abundant, & ont esté deuorees. Il est donné à entendre, comment sept meschans hommes s'efforceront de gaster la terre de Treues. Ils sont figurez Ours, pource qu'ils maculeront les cleres, & ceux qui tiennent conuersation honneste, ils sont maigres. Et pource ils mangeront la graisse des Religieux & des Prelats, & mangeront aupres du fleuve continuellement. O Moselle: ville opulente, appaisse ton Createur, & apres plusieurs tribulatiōs. O croix rouge, cōme si de le Israël, tu chasseras ces sept meschans, comme il est figuré au 7. chap. de Deuteronomie, là où il est ainsi dit: Ceux d'Israël ont chassé de la terre sainte sept nations, c'est a sçauoir, Geiseos, Amorreos, Eueos, Etheos, Chananeos, Iebuseos, & Phereseos. Apres saint lieu, croix sainte, & baston de saint Euchaire, vous demourertz en paix.

Il est donné à être dit qu'apres les haines & batailles capitales cōmēces être ceux de Treues & de Coulōgne, viendront les Ours sauages & les loups rauissas, & alors la secularité sera troublee dessous vn, qui procedera du Lys. Et ceste tribulatiō sera sēblable à celle qui fut au tēps des Machabees, en laquelle la dignité sacerdotale fut occupee par Iason, Menelaus, Liciniacus, & Archiminius. Et apres ces tribulations finies,

Iesus-Christ vint en ce monde: & lors Ostauius receut le peuple de Rome la monarchie du mōde. Et tout ainsi que la dignité du grand Prestre vaccat, tout ainsi vaquera le siēge Apostolique de Rome. Et ie croy qu'il vaquera l'espace d'vn an & demy, cōme il est dit au cinquiesme & sixiesme chapitre du liure de Cyrillus. Et en ce tēps là viēdra grande vexation, & se leuera nouuel ordre, pour la restauratiō de l'Eglise: & deuant la reformation se trouueront plusieurs faux Prelats en Italie & la Romanie.

La sçauante Sibyle Eritree, qui fut prophete sentant l'aduenement du petit Aigle apres sa mere, & des faux prelates qui viendront, dit: Apres ces choses viendra l'Aigle, laquelle nourrira le feu au giron de l'Espouse de Christ: & viendront trois adulteres & vn legitime, lequel deuorera les autres. Et viendront trois nōs detestables, blaspheme, chant impudique & abomination, qui monteront deuant l'excellent Roy. Et pour la fin viendra la mort.

Il y aura trois faux prelates, qui serōt ostez de leurs offices, à cause de leurs predicatiōs erronees.

CHAP. XV.

LA Sibyle de Crete dit de l'Aigle, du Lys, & des faux prelates. Il y aura quelqu'vn qui espèra, & voudra faire pauvre l'Espouse de l'Aigneau, & viendront trois adulteres,

RECUEIL DES

& vn legitime, lequel sera de chaud debile,
 neantmoins il deuorera les autres. Apres chan-
 tera le Coq & sera faicte bonne restauration.
 Et le legitime, c'est le Pape, fulminera sa sen-
 tence dessus trois prelats d'Allemagne, com-
 me inobediens à l'Espouse de l'aigneau, & aura
 discorde entre ces trois. L'vn sera esleu canoni-
 quemēt par le Pape, il sera debile de voix, d'au-
 tant qu'il ne pourra resister aux adulteres. Il de-
 struira les autres, afin qu'il expulse les trois nōs
 de blaspheme, & ceux qui prescheront heresies
 & qui inciteront les gens à l'encontre des gens
 d'Eglise. Le chant d'iceux sera plein d'abomi-
 nation, à cause qu'il sera plein de symonie, tāt
 qu'vn pied & six doigts seront comptez. La fin
 sera moult pleine de fortune. Pource dit le Pro-
 phete: le destruyray le nom des Idoles de la ter-
 re. Le Coq chantera, ce sera le vray Pape, &
 sera faicte bonne restauration, à cause que les
 erreurs seront extirpez. Et dessus cest Aigle si-
 gnifia la tribulation des c'eres, & apres sera de-
 struit l'Empire. Pourtāt vous religieux de Tre-
 nes, & vous Philosophes de Coulongnes, cō-
 siderez bien ceste chose, afin que les Loups ra-
 uissās n'entrēt dedās vostre estable, & que les au-
 tres ne prēnēt voz courōnes. En vostre tēps ad-
 uicārōt des choses nouvelles, q̄ ne furēt iamais
 veuēs au tēps passé. Dieu par sa misericorde
 vueille deslourner ces maux de voz Eglises.

estre veuë depuis la teste iusques aux pieds. Les astres & les eclipses ne nous tormentent point: mais noz pechez sans nombre: & induisent sur nous des pleurs, tristesses, maladies, famines & guerres. Helas, Beelphegor, prince des Heretiques de Boheme, Basilic venimeux, qui te dis Roy, tu es l'ennemy cruel de l'Eglise Romaine, & de la Foy Chrestienne. Ceste Eclipse de l'Eglise de Iesus. Christ amenera plusieurs tristesses & choses nouvelles, & fera mourir plusieurs nobles gens. O ieune fils, qui es mené à la guerre par les tiens, comment oses tu viure en l'estat, auquel tu n'oserois mourir? ne sçais-tu point que tu seras enseuely de la sepulture de l'asne? Tes predecesseurs furent Catholiques, & de bonne renommee: Pourquoy te glorifies-tu en tes docteurs excommuniés? tu conioints le sable avec la pierre, & l'argille avec la cendre: & pource tu ne sçautois bien edifier ton mur. Tu demandes conseil aux peaux mortes: ce sont les heretiques qui ne sçauent qu'ils disent. En sui, S. Paul, qui n'est point enuoyé à la loy, mais à Ananias: & si tu ne le veux croire, va à Herodes, lequel demandoit secretement ou Iesus-Christ naistroit. Regardes que tu ne sois deceu, en voulant cueillir l'or, & tu ne trouueras que du cuiure en ta main, tu domineras, mais le temps de ton regne sera accompli

de brief. Quand tu estois ieune, tu as fait ainsi que tu as esté conduit par tes parens: mais maintenant puisque raison est en toy, oste de toy ses mœurs infantiles. Quelle question as tu avec les loups & les bestes cornues? O venin incurable, ta pompe reale mesprise l'Eglise, & tu blasphemes le S, Esprit, & tourmentes ton ame & tes subiects dont ie suis triste & plus que triste. O homme de douleur! ceux qui te verront pleureront dessus toy, & diront: Voyla celuy qui est puissant en vanité & folie, si ainsi est que Cham fut maudit pource qu'il ne couurit point les genitoires de son pere, tu es digne de plus grande malediction, qui fais de si grandes iniures: au moins cognois les influences des estoilles, & que les rais du Soleil descendent dessus l'or & dessus l'ordure. Pour vray tu seras vilainement assubiecty. Pource corrige ta vie, & fuis ton idole excommunié & deiecté de ton pais comme vn serpent enusnimé, car sans faute il empoisonnera ton ame, & certainement apres toy viendra quelqu'un, qui reduira l'Eglise de Pragues à la sainte Eglise Catholique, & sera faicte nouvelle reformation au Royaume de Boheme.

Les Roys de Hongrie feront plusieurs choses pour maintenir l'Eglise, & se porteront noblement quant aux x faicts de la guerre.

CHAP. XXII.

HElas ! que l'avarice des Princes & des
 gouverneurs a seduit beaucoup de peu-
 ple, & fait mourir plusieurs gens. Celuy qui
 a despandu toute la substance pour la foy, est
 en memoire excellente, laquelle par le venin
 d'envie & d'avarice est perduë. L'vnité de la
 pierre angulaire est coupee. Le ferme Roy
 d'Hongrie sera disposé moyennement : mais
 il souffrira retrogradation. Pourtant, ô Mat-
 thias, si ie dy quelque chose en ta louange, ce
 fera moins que ne dois dire. Toutes tes œuures
 sont cogneuës excellentes, plus que ie ne sçau-
 rois dire : mais ta loüange sera mieux accom-
 plie quelque iour. L'Empire de Constantino-
 ple te tiendra en honneur, l'Eglise te prisera, à
 cause que tu es le vray escu de defence de la
 foy, à l'encontre du Turc. Tu es resplandis-
 sant en honneur : & es magnifique en conseil,
 lequel est gouverné par vertu : & viuras long
 temps sans estre surmonté. Le reste de tes affai-
 res sera gouverné par fortune. Tu as subiugué
 plusieurs gens, c'est à sçauoir les Viennois in-
 humains, les australles orgueilleux. Tu as tiré
 la plume du Pan, & as prins des cités & des
 villes. Tu as esté permissiuement le glaiue de
 Dieu. tu as vaincu seulement ceux qui le de-
 uoyent estre : il n'est si grand puissance, qui ne
 soit superable. Tu scais vaincre ton courage,
 retenir ton ire, temperer ta victoire, aymet

iustice, garder foy, suiure paix, nourrir les iustes, craindre Dieu, lequel est le principal, & honorer l'Empereur. Tu as voulu garder les commandemens. Il n'est rien si manifeste que tes œures: Il n'est rien qui ne se diminue avec le temps. Pource dit le sage Salomon. Toutes choses leuees se reconcent & enuieillissent. Et comme dit la Royne de Saba à Salomon. Bien heurieux est le peuple qui est des-sous toy & tes seruiteurs qui sont à l'environ de toy. Tu surmonteras quelque autre nation ou tu acquerras grande louange. Et apres toy viendra vn glaiue, lequel longuement persecutera les chiens infidelles. Ces choses sont comprinses par le Seigneur de ma terre. La gent Sagitaire regnera long temps dessus tes Chrestiens: & le Royaume d'Hongrie sera reserué à vn autre qui sera clement & misericordieux enuers l'Eglise. Il reformera l'Eglise de Prage, & le temple de saincte Sophie de Constantinople. Il sera en honneur entre les Chrestiens, mais il ne sera point du sang de Mathias, mais sortira des rochers d'Allemaigne & sera roy tres-pur & tres-entier.

Par l'Eclipse dessus nommee est parlé des infortunes & prosperitez du Comte Palatin, tant de par France que de par l'Empire. CHAP. XXIII.

L'Equité du droit naturel veut, raison ingenieuse approuue, & les lures tesmoi-

gnent que les gestes des Princes soyent redigéz par escrit, afin qu'oubliance mere des erreurs ne les offusque. Pourtant est decent de les regarder souuent, afin qu'ils soyent manifestes, & que le bon soit honoré, & le mauuais soit vituperé, & qu'on puisse cognoistre les macules, cōme on fait dedans le miroüer luisant. Il est plaisant de loüer le Seigneur qui est sans macule, & regarder le commencement de l'exaltation du Comte Palatin, afin qu'on sçache comment il a esté de cōuersation honneste. Dieu tout puissant a donné audit comte du tresor de sa grace, bonne mœurs & sapience: & luy a donné deux rais resplendissans en clarté, par le cercle blanc de sa clemence: tellement que deuant plusieurs Princes, il est cōme vne coulōne de nuee blanche, ainsi enuoyee diuinement aupres dn Ryn. Celuy Comte n'est point idolatre, mais est vray amateur de Dieu, & de la religion Chrestienne, & est vray tesmoing de la foy. Je ne sçay que veut dite l'eclipse nommee à l'encontre d'vn homme tant doux & tant gracieux. Dieu le vueille secourir par sa clemēce diuine & infinie.

L'estat diuers de la Comté de Palatine est preuen, à cause des confederations rompues, & de l'offense vers l'Empereur. CHAP. XXIIII.

LEs indices de l'eclipse nommee, seront cruels & horribles plus que n'ont esté veuz de memoire d'homme, tellement que la signi-

fication d'icelle me donne crainte. Elle fera de plus grande malice que celle qui fut du temps du Pape Martin, & portera dommage aux Roys & aux princes, à cause qu'elle fut au signe Royal & au chef du Zodiac: & pource leur fera dommage, & sera cause qu'aucuns d'iceux mourront subitement. O noble Duc, ne pers point la fortune qui t'a esté donnée des corps celestes, tu ensuyuras tes familiers qui sont contraire à toy. Tu esmouueras le Recteur de la fleur de Lys, tu prouoqueras l'Aigle dormant. Tu feras esleuer le Lyon sauuage à l'encontre de l'Eglise. Tu es au plus haut degré de ton eschelle: Tu as prins vn regard amiable, tu as receu honneur des petits lionceaux, & les as rendus gracieux, regarde ce qui est dit: Celuy qui s'estime estre ferme, doit regarder qu'il ne chee. Combien de Lys croisteront dedans tes champs? Tes subiects par ceste eclipse seront opprimez par tes ennemis, qui ont haine enuers toy. Les autres auront à souffrir des familiers, desirant de dominer. Semblablement ladicte eclipse nuira aux gouuerneurs de tes citez & petites villes: & seront en diuers dangers. Elle osterà aucuns de leurs honneurs & dignitez. Aux autres elle fera oppression par sedition populaire, tellement qu'aucuns d'iceux seront tuez, & on ne pourra trouuer les homicides qui les aurõt mis à mort.

R E C V E I L D E S

Et pour dire en somme, ladiete Eclipse mena-
ce tous les Princes qui habitent en la terre de
Baïorique, des grandes calamitez, & d'infor-
tunes mortelles.

O Prince qui porte le Lyon de liberté des-
sus la teste, considere la clemence que doit au-
oir vn Prince. Ptolomee le Prince des Astro-
logues, dit que l'homme sage dominera par
dessus les influences celestes. Ceste Eclipse te
predit de diuerses fortunes. Il sera donné à toy
& à tes lionceaux qui habitent aux montai-
gnes, des enseignes d'honneur : & toy ou vn
de ton sang sera Duc des Cheualiers & des
gens de pied, tant dessus la mer que sur la ter-
re, & auras la puissance de la vie & de la mort.
Les citez & chasteaux craindront tousiours
ton aduenement. Et si l'eclipse ne t'estoit con-
traite, toute felicité t'aduiendroit par succes-
sion de temps : mais il y a danger qu'elle ne te
meine à la mort infortunee, si tu ne veilles pru-
demment : car le Lyon de montaigne souffrira
de l'Aigle diuerses vexations.

Pourtant, noble Prince, il est necessaire
que les Astronomes, qui sçauent les influences
des planettes, ne cessent de predire aux Princes
leurs infortunes, afin qu'ils cognoissent qu'il
y a vn seul Prince qui est recteur des eieux.

Les mortalitez, de collations & effusion de
sang, qui sont faictes par l'inclination des in-

fluances, soyent iugees par les discrets. I'espere que les sages de ton pays feront des confederations amiables, à cause de repos & d'honnesteté, à cause que les influences celestes appaiseront la volonté de plusieurs hommes: combien qu'il sera difficile apres les guerres & effusions de sang d'appaiser la fureur des hommes, si ce n'est par quelque reuolution particuliere, qui induise à ce faire. S'il aduient qu'aucuns meurent, ils seront de la racine des Gemeaux, comme nous declarerôs. Plusieurs ans entrans ceste chiliade seront heureux, pacifiques, & assez fertiles, quand à la comparation des ans passez, ceux qui sont deffous Sagittarius, auront bonne fortune, ce sont ceux qui aiment iustice, honnesteté, beauté, corroborez par la loy de nature. Par ceste occasion feront de commotions és terres vsurpees par les Gemeaux, à cause qu'ils sont veus deroger à iustice, & à honnesteté, à paix & à vtilité. Grande difficulté sera crainte deffous la principauté, laquelle se finira de fin louable. Toutesfois (Prince sans macule) le plus grand danger qu'il aduendra à toy ou aux tiens, sera par le chemin, & quand tu iras aux montaignes & pays d'autruy pout batailler. Quand aux pactes compromissions, confederations, & ordinations, te seront bien profitables és batailles, & en conduisant tes exercites sans doute. Certes

RECEVIL DES

le Lyon dominera seurement és montaignes dedans sa cauerne. Les veneurs ne pourront cognoistre ses pas, sinon quand il montera ou descendra. Tiens ces choses en ton cœur: car tes significatiōs aduiendront en tes villes & terres. Dessus tes subiects viendront des choses nouvelles avec honnesteté & beauté: & tout ce que i'ay dit de ta seigneurie puissante, peut estre entendu de l'estat & office de son peuple. Il viendra quelqu'un de ton sang qui sera en regne plus grand que toy. La rondeur du ciel te produira, ta confederaiion sera rompuë, & la foy d'icelle sera perduë. L'Aigle suscitera à l'encontre de toy des bestes du Rhyn: & tes prochains s'esleueront cōtre toy, & tes petits lionceaux s'enfuiront & seront tristes. Ces choses sont cogneuës par le Soleil qui est cause que les petits lyons auront bien à souffrir. Et quand le Soleil se leuera clair, toutes les estoilles leonistes seront offusquees. Et tout ainsi que vous auez voz yeux allumez du Soleil, vous souffrirez eclipse, vexations, & humiliations par long temps.

L'estat futur de l'Empire, denoté par l'arbre qui fut veu de Daniel: pareillement diuerses guerres entre les Chrestiens & entre les infideles.

CHAP. XXV.

IL est dit en Daniel 2. ch. qu'apres la visio
du Roy, Daniel respondit: Il est ainsi que tu

as veu l'vne partie des pieds de terre seiche, & l'autre de fer. Tout ainsi que le fer ne peut estre meslé avec la terre, ainsi deffous l'Empire Romain seront discordes diuerses entre les Catholiques & les Turcs infidelles. Vne partie sera confirmee deffous l'Empire de Constantinople, & l'autre sera cassee: c'est à sçauoir l'Empire des Tapescociens. Alors Dieu suscitera le Royaume du ciel, lequel durera eternellemēt.

Octavianus, premier gouverneur des Turcs fut Empereur fort belliqueux, & premier fit guerre aux Chrestiens avec ceux de Prusse, de Polongne, de Tartarie, de Ruthenes, il fut puissant à l'encontre des fidelles Chrestiens, empoisonnant le chef excellent de la religion Chrestienne: & à tousiours esté nommé belliqueux entre les Gouverneurs, Princes, & Capiraines de Turquie.

Thamarlanes fut Chrestien, & fut Roy respuissant d'Armenie, de Tartarie la maieur & la mineur, & d'Alanie, seigneur de Capadoce tres redouté: Il fut tousiours ennemy aux Turcs, & les contraignit d'estre vagues en plusieurs regiōs cōme papillōs, & les fit vestir de robes viles. Alors leur or fut mué en scorie ou litargue, où fut changee sa belle couleur naturelle.

Orchanes fut le second qui voulut empoisonner la foy des Chrestiens du venin d'infidelité, lequel fut surmonté & mis à mort

RECVEIL DES

en Slesie par les Princes de Polongne avec quarante mille Turcs, auprès de la cité de Nauymarch, dont petite quantité de ses gens en eschapperent.

Le tiers fut Amorathes Prince des Turcs, lequel par armes & par feu subiuga les terres & prouinces de Tartarie la maieur & la mineur, auprès de Taffe & de la mer Hellesponte, & d'Euxinne, tellement que l'Empereur de Trapesonce & le Roy Thamarlanes dessus nommé ne peurent resister à luy : alors l'or de la religion Chrestienne eut beaucoup à souffrir.

Paraites fut le quart, & fut le basilic venimeux, qui fort persecuta les Chrestiens, lequel en la fin fut mis à mort par Thamarlan Roy d'Alamie & d'Armenie. Et ledit Tarmalan a fait tout son temps guerre aux Turcs, les destruisant par glaiue & par feu. Pareillement Draculus de Molda & Vvelachia, qui fut capitaine hardy, fit des guerres pleines d'honneur à l'encontre des Turcs infideles, afin que la statuë de Nabuchodonosor, Roy celeste, ne tōbast en terre.

Calapin fut le quint, qui persecuta les Chrestiens, & surmonta Sigismond l'Empereur Tres-chrestien au champ de Philadelphie auprès de Schileach, & furent plusieurs Chrestiens mis à mort: tellement que ledit Empereur s'enfuit avec quatre de ses gendarmes: &

pour lors eut beaucoup à souffrir. Alors ledit Calapin print l'Empire de Trapesonce, & plusieurs villes & chasteaux, lesquels depuis par ledit Sigismond furent reduicts à la Chrestienté par subtil moien.

Salamanus fut le vj lequel gasta plusieurs terres d'Alanie, d'Amenie la maieur & mineur, bataillant continuellement contre le Roy Thamarlan és parties de Nigrepont, & gagna les villes les plus riches & les plus belles que tenoit ledit Thamarlan, tant par glaiue que par feu: & dessous celuy fut fait cerf & tributaire le Roy Thamarlan, dont fut dommage inestimable aux Chrestiens.

Orchanes fut le vij. qui print sur les Chrestiens plusieurs villes, chasteaux & terres, principalement au pais de Trapesonce, & en la mer Pontique, & d'Exine, & au bras de S. George: & obtint plusieurs victoires, tant par armes que par feu.

Moyse viij. fit mourir ledit Orchanes, pour auoir son Royaume, & l'eut. Il print l'Empire & plusieurs terres d'Asie la maieur & la mineur & de Tartarie, & vers la mer Pontique inferieure, & de la gtād mer de Sala, & tout par grande cruauté de glaiue & de feu.

Mahomet fut le ix. & regna en Sougliane, Gordiane, en Sarracenie Aquilonaire, en Alanie la maieur belliqueuse, & en Capadoce la

RECVIL DES

seconde: & par violence print plusieurs Provinces, citez & terres, & les rendit tributaires à l'Empire de Trapesonce, qu'il auoit occupé. Helas! alors l'image d'or fut diminuee en bonté, & fut conuertie en cuyre: car la religion Chrestienne fut fort gastee.

Amorathes x. frere de Mahomet, tint l'Empire des Turcs. Celuy là surmonta Ladislaus le Roy de Polongne, tresdeuot, & Iulian Cardinal de sainct Ange avec lxxvij. mille hommes de guerre, tellement qu'il n'en eschappa que xxxvj. Et comme tesmoigne Iean de Reschaffs cheualier, lequel y fut l'an 1440. Ledit Amorathes occupa Trapesonce, Thessalie, Peloponese, & des prouinces & villes tres-riches.

Mahomet xj. Empereur des Turcs obtint par glaiue & par feu Constantinople. Musee, Bosne, Thaffe, Chirafonde Romaine la maieur, toute Asie mineur, Histrie, Thrace, toute la Grece, Croacie, Cilicie, Sclauonie, Dalmacie, & tout sans resistance de l'Empire Romain, ne de l'Allemagne haulte ou basse, excepté le tresfidele Mathias Roy d'Hongrie, lequel iusques au temps presët a tenu bõ contre les Turcs, & a merité d'estre nomé Tres-chrestie entre tous les Catholiques: mais helas, quel dommage, l'ore est changé en fer iusques aux pieds de l'image, & est abbaissé iusques à terre.

Marnet xij. a obtenu, dont c'est gros

dommage, Serme, Rascie, Theodosie, Theodonne, Riffille blanche & rouge, Padalee, Vvalachie maieur & mineur, Bugarie, Cipurie, Vverstlentie, Molde, Corinthe, Ephese, & Scuterim, avec la faueur & confederation des Venitiens : lesquels, comme meschans, se rendirent tributaires. Et eux faisant guerre contre les Chrestiens, & sayuans les mœurs des Turcs maintenant oecupant quelque terre, & tantost vn autre. Mieux vaudroit qu'ils fussent Turcs du tout, car en brief on leur en feroit faire bonne restitution.

Doglosius xiiij. lequel eut deux fils Danor & Lerodus, obtint encore d'auantage que les autres : car par la multitude des pechez des Chrestiens, Dieu à permis que luy & ses Capicaines & Gouverneurs, qui estoient Chrestiens reniez, ont prins Rhodes, Cecile, Calabre, la Pouille, la terre de labour, nommee Abros, Campanie, Sardaigne, Corse maiorique & minorique, & toutes les Isles de la mer Mediterranee, & les à surmontez par glaiue & par feu. Et si Dieu n'y met remede par sa grace, il occupera toute la Chrestienté.

Cōment l'Eglise aura à souffrir par les infideles, qui en fin seront surmontez par les Hongres & Espagnols, & Constantinople sera deliuree. CHAP. XXVI.

LE bon Hermite Reynardus Lhohardus, dit en ses reuelations :

RECVEIL DES

Viendra l'heritier de Doglosius, qui se glorifiera de la lignee de Sara : mais il sera bastard, & de la lignee d'Agar, & ses successeurs seront nommez Agarenes, & n'edifieront point de maisons: mais habiteront es champs, comme gens bestiaux, dedans les tentes, & viuront de rapines & larcins. Ils s'esleueront à l'encontre des Chrestiens, es parties d'Occident & de Septentrion, & les simples & debonaires seront oppressez d'iceux.

Et pource dit Methodius: Il viendra vn temps que les Agarenes sortiront des deserts d'Allemagne, & occuperont la terre de la Lune, par l'espace de huit ans. Ils destruiront les villes & citoz, & tueront les Prestres dedans les Eglises, & dormiront dedans avec leurs femmes, & boiront dedans les calices, lieront leurs cheuaux aux sepulchres des morts, à cause des iniquitez des Chrestiens qui regneront pour lors. Ils seront surmontez vers la pomme d'or d'Agrippine, & mourront. Les Princes Chrestiens n'en tiendront conte, excepté vn Roy d'Espagne, qui mettra à mort le successeur de Doglosius, à cause que l'Eleuation de Saturne dessus Iupiter, n'a point encore prins fin. Et l'esleuation des Turcs succombera plusieurs Royaumes reuièdront à l'Eglise Romaine, & les fils du Sagitaire, les Espagnols, & Hongres se monstrent vaillans par dessus

tous

Sicut & alia

tous Catholiques, & chasseront la malice de Saturne dessus les Turcs, & seront deschassez par lesdits fils du Sagitaire. Et ce sera dessous Maximilian, ou dessous le prochain qui succedera à l'Empire de la lignee de Charles. Apres viendra vn temps pur, sans nuees, plein de felicité, & sera toute malice amortie, & tout ce que Saturne le malicieux auoit suscitè, sera corrigé par le moyen de Iupiter le gracieux: lequel monstre vn temps pacifique, avec grand ioye. Et quand ceste malice sera passèe, & que les Turcs seront extirpez, on verra les hommes passer la mer en grandes compagnies, & l'Eglise de saincte Sophie sera en valeur, & viendra toute felicité. Le Lyon sauuage sera amené à la mere Eglise Chrestienne avec vn laes de soye: & sera faicte nouvelle reformation qui durera long temps, & le nom de l'Empereur des Turcs, ne sera plus ouy entre les Catholiques. Et si d'auéture les Princes d'Allemaigne ne consentent point avec l'Aigle, viendront des batailles capitalles & ciuiles, & viendra l'heritier de Doglosius, lequel sera la 15. branche des Turcs, qui destruira Polongne, Misie, Turinge, Hasse, Prutenne: & entrera en Picardie & Brabant, en Flandres: & sera tué aupres de la pomme d'or vers Agripine. Et pource entre vous Chrestiens, retenez en voz cœurs ces choses dessusdictes.

Je trouue diuerses opinions du temps, auquel les maux dessus nommez aduiendront, combien que tous le predisent par la distance de l'eclipse à l'ascendant. Aucuns iugent par les heures, de la distance, & les autres par les signes & ont entre eux quelque diuersité. Aucuns pour chacune heure ou signe commãdent de prendre vn mois, & les autres, cõme Haly & Ptolomee, commãdent de prendre vn an pour chacune heure de distãce de l'ascendant. Pour ce en ensuyuant les premiers, ce aduiẽdra l'an 1496. & 498. 499 & 500. Et apres viendront de grands maux, vers l'an 1530. si le peuple ne de-laisse iniquité, & ayme iustice.

*L'estat & disposition des Iuifs infideles, est declaré
comment ils seront disposez.*

CHAP. XXVII.

Saturne l'infortuné & pestifereux, entrera en sa maison l'an 1488. c'est à sçauoir en Aquarius & Capricorne. Et apres se monstrera malicieux à l'encontre de la loy d'Israël: car les Iuifs enuenimez semeront diuers maux en diuerses regions. Ils seront gouverneurs des Princes, medecins, artiens, & conseillers. Ils deuiendront riches, & seront aymez des Seigneurs, à cause de l'elevation de Saturne en ceste cõionctiõ. Mais quãd Saturne ne sera ad-ioint avec Aries, les defenseurs & proteçteurs

d'iceux auront beaucoup à souffrir. Il est escrit que Dieu dit à Ezechiel : Prés le glaiue qui rase le poil, & le mene sur la teste de la barbe, & brule la tierce partie du poil au milieu d'iceux : la tierce partie tu la couperas, & la teste tu la jetteras au vent. Ces choses viendront dessus les villes & protecteurs des Iuifs Saturnins. La tierce partie d'iceux mourra de faim & de peste, & l'autre tierce partie mourra de glaiue, & le vent diuulgua les malheurs d'iceux. Je feray cela en ma fureur, & mon œil ne leur pardonnera point.

O gent misérable, qui as demeuré en ton erreur iusques à ceste heure? qui t'a seduit & aueuglé ainsi? C'est ton avarice. Tu denies Iesus Christ, & attens tousiours le Messias.

Entre vous insensez & miserables Saturnins, escoutez : N'avez vous point veu de terribles accidens aduenir au temps de paix, prophetizé dessus Iudee & Hierusalem par Esaie, disant : Ils mettront leurs glaiues encontres, & leurs lances en faux, & ne s'elaueront point gens contre gens, & ne feront plus de guerre. Avec ceste paix, au temps de la natiuité de Iesus. Christ, Herodes tua les Innocens, l'onctiō & le sceptre furent ostez de voz mains, & plusieurs autres choses qui ne derogēt en riē à paix & à vertu. Ezechiel a prophetizé dessus vostre loy, disant : Dieu n'a il point dict, vous six passez

RECUEIL DES

par la cité, & battez tous ceux qui n'auront point dessus eux le signe de Thau, ne pardonnez à personne, commençant à mon Sanctuaire : c'est à dire, aux gens d'Eglise & Prelats? O vous six electeurs, vous estes les six qui desplanterez ceste meschante racine en Allemagne. Ezechiel dit : la grande Aigle volera d'Orient en Occident, & viendra au verger de l'Empire, & apportera le Cedre esleu, & mangera la moëlle des Iuifs, & emportera la iustance d'iceux.

O insensez, qu'a prophetisé Iacob le Patriarche de vous? n'a il point dit que le sceptre ne sera point osté de Iuda, tant que le Messias sera venu? Monstrez à ceste heure vostre sceptre, monstrez vostre Roy, Oyez aueugles que dit Daniel, au 10. c. *Post hoc*. C'est à dire, apres la destruction du Temple de Ierusalem, Iesus-Christ naistra, lequel est iustice eternelle, la vision sera purgee, & la prophetisation. Et alors le saint des saints sera oingt : duquel dit le Royal Prophete David : *Propterea unxit te Deus tuus oleo letitiae*. C'est à dire, pour ceste cause, Dieu t'a oingt d'huile de liesse, le vray Messias n'a il point commandé l'office d'Empereur, quand il dit : *Reddite qua sunt Caesaris Caesari*. C'est à dire, rendez à Cesar les choses qui luy appartiennent. N'a il point fait l'office de Roy, quand vos parens l'ont couronné? N'a il

point fait l'office de iuge, quand il deliura l'adultere de vos mains? N'a il point fait l'office de legislateur, quand il a donné ses commandemens? N'a il point approuvé l'office du Pape, quand il donna à S. Pierre les clefs, & commanda que ceux qui s'assent dessus la chaire de Moyse luy obeyssent? N'a il point accompli l'office d'Apostre, quand il fit ses Apostres Prestres? il a fait l'office de Prestre, quand vous comme chiens enragez, l'avez immolé en la croix. Il a fait l'office de Dieu, quand il vous a montré plusieurs miracles. Il a montré aux Religieux leur office, quand il obeit à Dieu son pere. Il monstra l'office aux penitens, quand il ieusna quarante iours. Il monstra l'office des Martyrs, quand il fut crucifié: & l'office des confesseurs, quand il prescha la vraye doctrine, laquelle n'avez point voulu ouyr. Il est nay de Vierge, il est demeuré vierge, & aime virginité. Pensez si vostre Messie, que vous faignez estre à venir, vous fera de telles ceures, que vous dit le vray Messias? Le vous ay montré beaucoup de bien, pourquoy me voulez vous faire mourir? l'estois tous les iours au temple en vous enseignant. O pecheurs enormes, qui ne voulez obeir à la foy! de brief viendront les iours que vous direz: Nous auons prins le tesmoignage des hommes: mais celuy de Dieu est plus grand, & ceux qui seront maculez de vo-

stre venin, seront punis eternellement. Ceste
 racine Saturnine sera extirpee des Allemains,
 & s'enfuira de la mer. Dieu a donné sa
 misericorde à vous comme aux autres. Mais
 vous avez dit : Voicy l'heritier, mettons le à
 mort, & nous aurons son heritage : laquelle
 chose avez faicte. Et pource Dieu voyant vo-
 stre obstination, vous à dispersez par toute la
 terre, & maintenant n'avez nuls Prophetes,
 ne Roy, ne Prestre, n'autel, ne sacrifice, n'on-
 ction : mais estes m'esprisez de tout le monde,
 en desolation perpetuelle. Daniel dit, que vo-
 stre desolation durera jusques à la fin du mon-
 de. Pauvres miserables escoutez que dit Amos :
 Je conuertiray Israël dessus trois pechez : mais
 pour le quart, ie ne le conuertiray point, pour-
 ce qu'ils ont vendu le iuste pour de l'argent. Le
 premier peché sur la vendition de Ioseph par
 ses freres. Le second fut l'adoration du Veau
 en la montaigne d'Oreb. Le tiets fut l'occision
 des Prophetes, comme est dit en Esaïe 6. Le
 quart fut la vendition de Iesus-Christ : pource
 est dit, Malac. 1. Je n'ay point de volonté en
 vous, & ne receuray point vostre sacrifice : car
 depuis Orient jusques en Occident mon nom
 est exalté des gens, c'est à dire des Chrestiens.

Moïse dit, Deuter. 28. *Erunt gentes in capite,*
& populus incredulus in cauda. c'est à dire : Les
 gentils seront au chef, & le peuple incredule

en la queuë. Vers la fin du monde peu de Iuifs seront conuertis à la foy : car ils seront seduits par l'atechrist. Il est dit, *Esa. 69.* Le Dieu d'Israël t'occira, & appellera ses seruiteurs par leur nom, ce sont les Chrestiens. Et est assez pour le present parlé des faux Iuifs.

La vertu des influences est prouuee par plusieurs raisons es choses inferieures.

CHAP. XXVIII.

Dieu tout puissant a donné aux choses inferieures, vertu par leur principes, & par proprieté diuerses : & pource au commencement dit Dieu : La terre germe & produise herbe verdoyante, & faisant semence selon son genre: tellement que comme il est contenu au 8. de Sainct Luc. Vn grain produise cent fois au double. Et d'un petit noyau est produit vn arbre plus grand mille & mille fois que luy. Pource nul ne fait doute qu'en toute chose cree, Dieu a donné ceste vertu multiplicatiue, comme on voit des hommes & des bestes irraisonnables. Les Pierres precieuses croissent par la vertu des corps celestes, qui produisent leur effect en la terre, en alterant, en separant: & en purifiant. Et par leurs rais est enuoyé l'Esprit pour les coaguler & clarifier. Et pource plusieurs Philosophes ont coneu quelles ont diuerses vertus. La vertu de la topasse descéd d'alpheta,

RECVEIL DES

& la vertu du saphir descend d'albaroch, com^m
 me Hermes declare au 15. c. des pierres pre-
 cieuses. Ainsi sont faictes mines des metaux,
 par succession de temps, les planettes produi-
 sent leurs effets naturels, creant en la terre les
 metaux qui sont de diuerses especes & vertus.
 Et pource les Philosophes voulant ensuiuir les
 œuures de nature, ont trouué l'art d'alchimie.
La pierre Philosophale. Et premier calcinant le
 Mercure, apres le dissoluent, puis separent
 les elemens, tellement qu'ils prennent l'esprit
 separé d'iceux, puis apres le fixent. Et comme
 dit Geber: C'est chose laquelle a la vertu de
 purifier les metaux, & les alterer, & de les muer
 en autre espece. L'ay faict ceste similitude,
 pource que les influences celestes font les ope-
 rations tant bien qu'on ne scauroit dire. Et
 pource l'homme peut en soy contempler l'or-
 dre & les effects dessus nommez. Les gemmes,
 les herbes & semences ont des vertus lesquel-
 les passent la capacité de l'esprit humain, &
 procedent des corps celestes. Pource dit Al-
 chindus, que la cognoissance de l'homme pro-
 cede des choses euidentes, de plusieurs pro-
 prietez occultes, lesquelles le sens ne peut com-
 prendre, on en à point science par demonstra-
 tion. La vertu des semences font la diuersité
 des membres des complexions, des figures,
 des couleurs, des qualitez tant occultes que

manifestes. Semblablement des gemmes herbes, & vertus des corps, lesquels font des œuures admirables. Et ainsi de ceste constellation naistra vn Prophete en l'an 96. ou enuiron, lequel fera de belles œuures, cōme s'ensuiura au chapitre sequent.

Vn saint & sage Prophete viendra, qui reprimera les erreurs qui sont à l'encontre de la foy, & preschera fermement la verité.

CHAP. XXIX.

QVand plusieurs sectes viendront au temps denoté: alors viendra vn homme sage orateur, lequel quand il sera en aage de discretion, cognoissant que les influences celestes esmouueront le peuple à heresies, preschera le peuple: & par ses œuures le corroborera en la foy, & denoncera les vtilitez & dommages aduenir. Pource le peuple sera conforté, & fera confederation. Aristote dit au second liure de generation, qu'aux choses qui ont similitude, le passage est plus facile. Et pource qu'alors seront aucunes conionctinos inclinantes à paix, avec la persuasion dudit Prophete, la paix sera de plus grande efficace, d'autant que le courage du peuple sera incité à icelle. Les charbons sont souuent allumez par vne estincelle de feu. Et pource ledit saint homme

RECUEIL DES

suscitara des amitez & des haynes, des dances
 & des batailles, selon l'influence des astres. Et
 s'il a cognoissance des vertus celestes, il profi-
 tera beacoup en ses harangues & predications.
 Et par ses presages & reuelations le peuple le
 tiendra pour vray Prophete, & l'aymera &
 craindra, faisant les commandemens de Dieu
 par ses oraisons, & sera tenu en grand honneur.
 En son temps commenceront plusieurs sectes
 au monde, par aucuns nouveaux Pro-
 phetes & aucuns des hommes se vou-
 dront deifier, comme est dit au septieme liure
 de l'histoire Tripartite. C'est la coustume des
 Payens de deifier les hommes qui sont fort
 heureux en ce monde. Et pource plusieurs ap-
 pellerent l'Empereur Adrian Dieu. Et ainsi se
 font diuerses mutations & obseruations par les
 hommes. Dessous ce Prophete viendront des
 nouvelles loix, & les vieilles seront delaïssees.
 Les bons & iustes legistes seront mesprisez, &
 la felicite de Mercure sera perduë en plusieurs
 Royaumes. La fausse mōnoye aura lieu en plu-
 sieurs lieux, & le peuple sera exactiōnné, tel-
 lement que de grandes factions viendront en-
 tre le peuple Chrestien, & se rebellera contre
 les Princes, plusieurs trahisons occultes se ma-
 chineront, & ceux qui se mettront aux che-
 mins seront en danger des brigans. Plusieurs
 hommes enragez feront plusieurs maux, telle-

ment que le peuple en tremblera, & verra des choses qu'il ne vit iamais.

Il naistra vn grand Roy, lequel fera de nouvelles loix & constitutions.

CHAP. XXX.

IL sera necessaire de constituer de nouvelles loix, pour le profit & vtilité du bien public, & de destruire aucunes loix & priuileges: Il est escrit au Digeste, que quand on veut constituer quelque nouvelle loy, on doit premier cōsiderer l'vtilité d'icelle, & si elle est iuste, par ce moyen est gardée la valeur de iustice: & ce procede des inclinations actiues des planettes, par lesquelles les volontez des hommes se consentent secrettement: & par ce moyen leur semble iuste ce que la sensualité leur conseille: & ainsi sont les loix constituees & approuuees: & par ce on peut cognoistre que le droit depend du consentement de plusieurs, & que nécessité l'a constitué & confirmé. En la constitution de toutes loix, est requis le consentement du peuple, lequel ensuit la sensualité le plus souuent, laquelle est inclinee par l'influence des corps celestes: Dont il faut auoir ayde au ciel à celuy qui veut constituer quelque loy, afin que le peuple y consente: car autrement le legislateur feroit comme celuy qui fit princes les renards, & les fit pasteurs des poulets. Ceste chose est confirmee en la loy

RECUEIL DES

du Digeste, qui dit: La coustume inueteree, n'est point tenuë pour Loy, si elle n'est constituëe par les mœurs de ceux qui en vsent. Ceste chose est figuree par Ieremie, qui dit: Mon peuple à faict deux maux: C'est qu'il à delaiissé la fontaine d'eau viue, & a faict en la terre des cisternes, lesquelles ne peuuent tenir l'eau. La fontaine de l'eau viue est la saincte escriture. La cisterne qui ne contient point l'eau, est le droict Canon, & les Decretales, qui contiennent au iourd'huy l'eau de sapience, & demain ne les contiendront point. Et par ainsi appert que le droict Ciuil & les Canons des Papes ne sont point du tout de la loy diuine, mais sont subiects aux cōstitutions humaines. Pour ce dit David, parlant à Dieu, *Psalms. 118* Ta iustice est iustice eternellement, & t'a loy est verité. L'eau & la terre meslee empeschent la veuë à penetrer: aussi l'affection des biens terrestres empeschent plusieurs Iuges de bien iuger. Et ceste chose n'est point en la loy diuine. *Ierem. 2. cap. Quid tibi vis, ô iurista in via Ægypti?* c'est à dire: Que veux tu en la voye d'Égypte, ô iuriste? Il est donc euident, pour le present, que les loix sont muables selon la volonté des hommes. La mutation d'icelle procede de l'impetuositë & inclination du peuple. Pourtant qui voudra considerer les causes, on trouuera que tout procede des effects, eclipses,

& influences des planettes & estoilles.

Il naistra vn autre Prophete de grande sainteté, & scientifique, qui predira au peuple plusieurs reuelations.

CHAP. XXXI.

IL viendra vn autre Prophete, moindre que l'autre dessus nommé, lequel interpretera tres bien la sainte Escriture, & de la grace diuine donnera plusieurs vrayes responce, & releuera les ames des mortels qui seront tombez en la terre; Sa naissance sera durant le tēps de nostre constellation. Les Astrologues appellent Prophetes ceux qui font en la loy quelque mutation, ou qui induisent des nouvelles ceremonies, exposent la science diuine: & qui ont quasi science diuine: mais d'iceux aucuns sont faux comme fut Mahomet, & aucuns sont veritables, comme saint François & S. Dominique. Quel sera celuy? il sera cogneu par ses mœurs. Et combien que ces choses soyent cogneuës des doctes en Astrologie, il nous plaist de declarer aucunes grandes conionctions, lesquelles de long temps sont passées, & d'icelles l'une fut en la triplicité de l'eau l'an 1365. & fut parfaicte au 8. degré du Scorpion. en furent deux qui la precederent, & deux qui la suyurent, & furent en triplicité

R E C V E I L D E S

de l'air, qui fut parfaite au signe de Gemini, & d'Aquarius. La tierce apres fut l'an 1425. & fut encores en la triplicité de l'eau . laquelle fut au 13. degré du Scorpion: & a duré ceste triplicité iusques au temps present. Et ainsi est euident le temps de la natiuité dudit Prophete.

Il viendra vn Moine gris , qui sera decepueur & hypocrite , qui par faux signes seduira plusieurs gens , & sera cause d'effusion de sang.

C H A P . X X X I I .

LE dy qu'és pays du scorpion naistra vn Prophete, apres qu'on aura veu en l'air plusieurs signes & prodiges , lequel (comme dit Massahala) naistra en pays temperé d'air en ses qualitez , tel qui conuient à confermer la santé de l'homme. Ledit Prophete sortira de son pays, & fera plusieurs signes aux regions subiectes à Leo & Aquarius. Albumasar dit que ce sera aux signes aquatiques , en la region Meridionale, & y manifestera ses miracles. Il sortira de son pays pource que Iesus-Christ a dit *Nemo Propheta acceptus in patria sua*. Le temps de sa predication durera dixneuf ans, selon les ans moindres du Soleil. Si nous voulons suiure la doctrine d'Albumasar, il sera vestu d'habit roux, tendant à splendeur. L'inclination est à cause de Mars & du Soleil, qui le feront incli-

ner à aymer telle couleur. Et selon l'opinion de ceux qui considerent la conionction de Iupiter avec la Lyonne, avec la teste du Dragon, il sera vestu de couleur tendant à blancheur, & constituera vne nouvelle religion. Les signes pour le cognoistre sont, qu'il aura de petites taches noires dessus son corps, & aura diuerses macules dessous l'aisselle, & en la cuisse. Il sera difforme de son corps, à cause qu'il sera mal fortuné au costé dextre du ciel, en la dixiesme maison, vers l'horoscope de l'assendant: il sera effeminé, & aura vn signe en la poëtrine, à cause du Lyon qui sera au sixiesme degré de sa maison. Et comme dit Formicus, il sera horrible & à Dieu & aux esprits malings, & fera diuers signes & prodiges. Les mauuais esprits craindront la presence d'iceluy: & guerira les malades, non pas de parolles: mais seulement de sa presence. Toutesfois Antoine de Montd'horme dit, qu'à cause de la partie du regne de Iupiter, qui sera au degré 11. de la conionction, n'accomplira point d'œuvre ce qu'il preschera de la bouche aux autres. Il aura bon entedement, & aura la scièce de plusieurs choses, & grande sapience, mais par hypocrisie dira souuent des choses fausses, & aura la conscièce blessée, & sera cōme le Scorpiō; car par ceste eclipse & cōionction en la maison de Mars, il dispersera le venin qu'il a en la queue, & sera cause

RECUEIL DES

de grande effusion de sang, à cause que Mars sera son significateur. Et semble qu'il voudra confirmer la foy des Caldeens, comme recite Messahala. Et combien qu'il face plusieurs signes, toutesfois il le faudra seulement croire, quand il suyura la doctrine veritable de Iesus-Christ. Et semble qu'il sera de ceux desquels Iesus-Christ à parlé en la sainte Escriture, desquels est dit, *Math. 24.* Si quelqu'un vous dit, voyla Christ, ne le croyez point: car sur terre viendront plusieurs faux Christs, & plusieurs faux Prophetes, qui feront de grands signes, pour seduire le peuple, s'ils peuuent. Et pouree ie vous predicts, que si telles gens viennent à vous disans, voyla Christ au desert, ne sortez point: & s'ils vous disent, il est es interieures & secrettes parties de la maison, ne le croyez point.

Il y auira vn autre faux Prophete, qui par sa doctrine seduira les Princes & les Prelats, comme vn Antechrist.

CHAP. XXXIII.

A Pres celuy dessus nommé viendra vn autre Prophete faux, de la terre du Lyon, qui preschera en la Cour de Rome, des choses merueilleuses. Il semblera estre saint & ^{plein} de bonnes mœurs: mais sous l'espece de sainteté,

Eteté, & fera diminuer la foy Chrestienne. Il en fera brusler plusieurs : & aura le mauuais esprit entaciné en son cœur. Il ira avec hypocrisie deuers le Pape : & luy demandera licence de prescher. Apres par sa simulation de saincteté, s'en ira deuers les Euesques & Prelats, & deuers les Princes, & les deceura, & menera à grand erreur. Il fera errer plusieurs sages & bien renommez, tant en Italie, Lombardie, qu'en la haute Allemagne, & sera plus honoré du peuple que iamais fut homme, depuis le commencement de l'Eglise. Plusieurs le nommeront l'Antechrist meslé. Aucuns Euesques l'honoreront : mais il sera en la fin tué miserablement, dont plusieurs seront scandalisez. O si les veritables Recteurs de l'Eglise scauoient l'aduenement d'iceluy, comment ils batailleroyēt fort contte luy, & appaiseroient Dieu par penitence, afin qu'ils n'endurassent telle persecution : car il sera le baston de la fureur de Dieu, à l'encontre des fils d'iniquité, ils crieroyent, certes, mercy à Dieu, & le cognoistroyent leur Seigneur. Le vray Pape criera vers le ciel, & alors sera faicte nouvelle restauration vtile en l'Eglise, apres la mort d'iceluy. Dont si l'Eglise doit estre renouvellee, il faut qu'elle soit destruiete par ce faux Prophete, puis sera en bon ordre long temps.

RECUEIL DES

*L'auteur parle en brief d'aucuns qui ont
cogneu des reuelations.*

CHAP. XXXIIII.

AV temps qu'Antoine Theodore Duc de Gennes regnoit, fut escrit vn liure par Thelefortus prestre deuot, lequel est plein de propheties : dedans lequel liure sont escrites toutes les choses futures, touchant l'estat & regime de l'Eglise, & comme elle doit estre renouvellee. Et est escrit, comment des long temps passé, Dieu l'a reuelé à son seruiteur Ioa-chim Abbé, & à S. Cyrille Euesque, quand par lange luy fut apportee vne table d'argent, dedans laquelle plusieurs reuelations estoient escrites, principalement l'estat futur de l'Eglise, iusques à la fin du monde.

*Vn Empereur entrera dedans Rome, à main ar-
mee, & fera de grandes persecutions
aux Prelats & aux Clercs.*

CHAP. XXXV.

IL est contenu au liure de S. Cyrille que deuant que l'Eglise soit renouvellee, Dieu permettra que la dignité Papale vaquera, & alors feront diuerses diuisions en l'Eglise : desquelles sera cause l'Empereur Allemand : lequel se confiant de sa puissance vouldra constituer vn Pape. Alors les Romains & autres Italiens, s'efforceront de resister à la puissance de l'Aigle, laquelle se courroucera : & pour ce fera vne

grande armee, non seulement d'Allenans, mais
 eslera les pires gēdramas qu'il pourra trouuer
 d'autres natiōs, & entrera dedans Rome à grād
 puiffāce, & mettra en captiuité les Prelats & Re-
 ligieux: & fera mourir aucuns d'iceux par diuers
 tourmens. Et pource ils feront raser leurs cou-
 rōnes, & plusieurs s'enfuirōt par les boys & mō-
 ragnes: & apres que les mauuaises racines & es-
 pines serōt arrachees, viendra vn hōme sainct,
 lequel appaisera l'Aigle, & mettra bon ordre
 en l'Eglise.

*Vn sainct homme sera sacré Pape, lequel reformera
 toute l'Eglise. Apres viendront trois autres
 de saincte vie, qui conformeront les
 constitutions d'iceluy.*

CHAP. XXXVI.

A Pres (comme dit Ioachim, en sōn liure de
 concorde) viēdra à Rome vn homme so-
 litaire, de saincte vie, lequel sera esleu Pape, &
 Dieu, fera par luy plusieurs miracles, & pource
 sera hōnoré de tous Chrestiens, & n'osera nul
 aller à l'encontre de ses constitutions. Il osterā la
 pluralité des benefices, & les gros reuenus, &
 cōstituera que les Prestres viuront des decimes
 & oblatiōs seulement. Il defendra la pompe des
 habillemens, les chāson, & dances deshonne-
 stes, & commādera que les fēmes soyent accou-

RECVEIL DES

ftrees honnestement fans or & pierres precieuses : & fera prescher les Euangiles par toute Chrestienté , & delaisser les disputations sophistiques. Il ne sera que quatre ans en sa dignité Papale, & apres mourra en Iesus-Christ.

Incontinent apres, Dieu susciterra trois autres saincts hommes , l'vn apres l'autre, de semblables vertus que le premier, & feront plusieurs miracles: d'auantage approuueront les doctrines & constitutions donnees par le premier, & dessous iceux l'Eglise sera en valeur, & seront appelez du
peuple, vrays Pasteurs
Euangeliques.



TROISIEME LIVRE, DE
L'ESTAT DV COMMUN
PEUPLE.

EN ce tiers liure reste de parler de l'estat du commun peuple, lequel (helas!) sera fort diuers: car en particulier se font plusieurs debats, accusations, meurtres, emprisonnemens, haines, seditions, trahisons & tumultes, & esmouueront les ires du temps passé: & ainsi leur viendront plusieurs tribulations, lesquelles seront diuerses, selon la diuersité des climats.

Plusieurs seditions s'esmouueront en Hongrie, Boheme, & Bauiere, par lesquelles plusieurs seront mis à mort.

CHAP. I.

CEs principautez dessus nommees, seront esmeuës & pleines de tumultes & seditions, sans aymer paix. Aucuns seront entre le peuple, qui les enflammeront, & induiront leurs courages à cris & contentions mortelles. Ils desireront par batailles ciuiles, & fureur de nuire à leurs voisins, & les vns aux autres, &

R E C V E I L D E S

mourrôt plusieurs d'iceux de mort intemperee par infortune subite, & seront iettez souuent impetueusemētus de leurs cheuaux. Plusieurs seront periclitez en la mer, tant par tēpeste que par infortune des rochers, & aucūs serōt noyez dedans les fleues, ou ils mourront de quelque mort subite. Les autres perdront leurs parens & amys, à cause de ceste mauuaise conionction & eclipse.

De l'estat des Alsaciens, Siannois Gaulois

& Cymbrois.

C H A P. II.

PLUSIEURS de ces nations auront des aduersaires, mais en la fin les verrōt oppressez de diuerses fortunes. Le peuple sera immoderé quant aux accoustremens, pour paruenir aux deduits de dame Venus. Les hommes & femmes aurōt débats entre eux, qui dureront long temps & se ferōt des nopces indecentes & deshonestes. Plusieurs femmes vefues impudiques & mariees, apres leurs paillards. Pareille chose sera des femmes mariees. Aucunes seront sterilles, & les autres seront vilaines sans craindre aucun deshonneur. Aucunes serōt mariees avec les Prestres, Apostats & Religieux: & seront veues de mauuaises perturbations entre ceux qui seront mariez.

De l'estat de l'Empire Romain.

C H A P.

CEux de l'Empire Romain esleuez en dignité serōt en grande crainte, & seront en danger de cheoir de leur estat, & de perdre leur hōneur & cognoistrōt la ferocité de Mars, principalement ceux qui auront le 12. degré pour leur significatiō. Plusieurs d'iceux serōt bruslez tous vifs, aucuns seront noyez, & aucuns seront pendus. Leurs seruiteurs & seruantes leur feront de grands dommages, & leur prendront & retiendront iustement leurs biens.

De l'estat de Frāconse, Nygresilue & Rhenane cōtres.

CHAP. IIII.

EN ces parties viēdront aucuns signes de la gloire & de magnificence, & le mettront à s'esjouir & à dancier, ils seront enclins à la guerre & seront soustenus, & pour vn temps forts & courageux par dessus tous autres: apres ils perdront aucunes de leurs dominations, prelatures & offices, avec diminution de leur honneur, & apres plusieurs decherront de haut en bas, & seront humiliez.

De l'estat de Moselle & de Treues. CHAP. V.

CEux de Moselle, & de Treues prédrōt grand labeur d'auoir la cognoissance de plusieurs sciēces par subtils moyens, & aymerōt leurs dignitez & prelatures. Et si fortune pour vn temps esleue en prosperité les mauuais, toutesfois en la fin elle les met au bas, & les fait mourir tresmiserablemēt sans faute toutes-

RECVEIL DES

fois les corps celestes gracieux & clairs les gardent souuent de diffortune.

*Del'estat de France, Picardie, & des lieux
circonuoisins.*

CHAP. VI.

CEux de France & de Picardie seront oppressez de diuerses calamitez, tant de la guerre que de la peste. Ils deuiendront debiles, & seront vexez de diuerses maladies, principalement d'epilesie, de paralytie, & autres procedentes de causes froides. Aucuns seront en danger de lepre, & mourront de mort intemperee.

De l'estat des Saxons, de Hesse, & de Thuringe.

CHAP. VII.

LA presente constellation sera cause de faire aux pays nommez, beaucoup de pauures gens par dommages continuels, & endureront des labeurs par la persuasion d'aucuns Docteurs qui prescheront des choses nouuelles, & seront long temps hays des autres nations. Il sera difficile de porter marchandise esdicts pays, sans grand danger. Plusieurs d'iceux seront infortunez, tant dessus la mer que dessus les riuieres, & seront noyez ou en dan-

ger. Le peuple sera fort seditieux, enclin à l'arrecin & à effusion de sang, & seront fort impatiens en leurs aduersitez.

*De ce que demonstre ladicte constellation
quant aux femmes grosses.*

CHAP. VIII.

ENtre vous auditeurs honorables, afin que de mes paroles ie ne vous fache, escoutez ce que ie veux dire des femmes, lesquelles sont de l'ordonnance de Dieu, le soulas des hommes, & la ioye de ceux qui sont aux conuines, & sont l'ornement de la maison, lesquelles Dieu a ornees de diuerses proprietes. Nous sommes tenuz de prier pour elles: à fin que Dieu vueille destrurner son ire d'icelles. Ceste cruelle constellation les menace de diuerses infortunes, & leur prediēt des dangers de leur fruiēt: car elles seront en danger de leurs personnes, & pareillement leurs enfans. Elles auront des douleurs tres horribles à enfanter, avec cris espouuantables: & tout ce procedera de Saturne le malin. Aucunes mourront à l'heure de l'enfantement, & souuent aduiendra que les petits mouront au ventre de la mere, & les autres seront dilaniez par pieces. Les petits enfans mourōt par grande multitude au berceau & quand on pensera qu'ils doiuent venir à per-

RECUEIL DES

fection, ils mourront ou languiront par la malignité de Saturne.

Ceste constellation induira plusieurs à luxure abominable.

CHAP. IX.

Ceste constellation paraîendra en la 5. maison de l'horoscope, laquelle est induisante à volupté, & peruertira les œuvres de nature licites, & se conuertira à volupté desordonnée. Et alors les hommes seront enclins à toute lasciueté & intemperance de la chair, & seront addonnez à gourmandises, ebrietez, & à tout amour impudique & prohibé. Elle induira les meschans Italiens, & aucuns François à amour illicite des éfās, & ce cōtre l'ordre de nature. Elle induira à commettre fornications, incestes & adulteres, & à plusieurs autres abominables actes, quād par leur ardeur vilaine descendrōt à l'amour des bestes brutes, sans auoir crainte ne amour à Dieu.

Ceste constellation inclinera les femmes, les vierges, & les religieuses à concupisence charnelle.

CHAP. X.

Venus colloquee en ladite maison cinquième rēdra les fēmes molles, voluptueuses & delicates, aymant vie pleine de plaisirs mondains, cōme fit Sardanapalus. Et sera tres difficile de les reduire à continence & sobriete: el-

les s'addōneront à volupté charnelle du corps, & vendront leurs corps, & seront fort prompts à attirer argāt, & en penserōt acquerir deuers le peuple honneur & louange. Mars le cruel pro-uoquera plusieurs vierges & religieuses, à commettre plusieurs actes impudiques: elles orneront leur corps par diuers moyens, & voudrōt augmenter leur beauté par vnguens & odeurs aromatiques, & menerōt vne vie toute lasciuue, delaisant toute chasteté & honnesteté.

Il monstre comment les choses dessus nommees peuuent estre faictes par raisons naturelles

CHAP. XI.

Toute la vertu naturelle, animale & vitale, a son commencement & naissance du corps appete (selon diuerses parties) de soy faire de telles operations. Auicenne dit, que toute vertu est commencement d'operation, & que nulle operation ne prouient sinon de vertu. Tous les esprits qui sont les instrumēs des vertus ont leur naissance au cœur: & quand ils paruiēnent aux cellules du cerueau, & qu'ils font les operations du mouuement du corps, ils sont nommez la vertu animale: & quand le cœur est alteré, tous les esprits sont alterez, & apres toutes les vertus, & consequemment sont alterees les operations.

Auicenne dit au troisieme Canon, & au chapitre de melancolie: L'esprit animal

RECVEIL DES

est contigu & conioinct à l'esprit vital, & est de sa substance. Et pource quand sa complexion est corrompuë, elle corrompt la complexion du cerueau, & luy communique la melancolie. Et tout ainsi que la complexion du cœur est disgraciee ou disposee, ainsi la maladie est mottelle ou non mortelle: & de luy procede la cuité de la maladie, & le mouuement d'icelle: & pource en aucunes pestilèces aduient au 4. iour la determination cretique. Or ainsi est que les esprits sont alterez de l'air inspiré, lequel donne euentation au cœur, & est la matiere de laquelle les esprits sont creez, l'air est meslé avec la subtile substance des corps celestes, ce sont leurs rays, lesquels luy donnent diuerses proprietéz, selon les influences qui regnent. Et de ceste alteration à parlé Auienne, au chap. de la fieure pestilentielle, disant: Aucunesfois aduient que les vertus celestes & terrestres font humidité en l'air, & le corrompent: & quand les hommes l'attirent, il corrompt la complexion du cœur & les esprits, & le commencement de ceste corruption est vne influence, qui faict estre necessairement l'air ainsi disposé. Donques nous concluons qu'ux temps que se font au ciel de grandes conioctions & des signes en l'air, ils disposent l'air à diuerses inclinations & effects, selon leurs vertus & proprietéz.

*Il demonstre comment l'influence des corps celestes
peut durer long temps.*

CHAP. XII.

LEs effects des conionctions des planettes & des eclipses ont accoustumé d'estre continuez & fortifiez par long temps : car comme nous auons dit, le fondement des operations du corps est au cœur, & l'alteration des vertus procede de l'alteration des esprits. Quand les esprits genitifs sont alterez par les corps celestes, il est requis que celuy qui sera engendré, aye les inclinations qui procedent des planettes, lesquelles auoyent ainsi disposé l'air, & ses inclinations viendront aux successeurs d'iceux comme chacun peut cognoistre. Et pource Iacob cognoissant ceste cause (comme est dit, *Genes. 29.*) ne voulut point pour son salaire prendre des brebis du troupeau de son beau pere Haban, & vouloit seulement celles qui estoient de diuerses couleurs. Il prenoit donques des verges de peupliers, & ostoit vne partie de l'escorce, & les mettoit dedans les brebis quant elles conceuoient, & par ce moyen estoient de diuerses couleurs. Auincene dit à ce propos, que les enfans tiennent les complexions des parens, principalement les affections qu'ont le pere & la mere à l'heure qu'il est conceu, à cause que les fortes imaginations don-

RÉCUEIL DES

hent à la semence vertu inclinatiue. Et par ce moyen croissent les coustumes & les mœurs. Les loix sont constituees, & les sectes cōtinuez. Par ceste cause les coustumes des regions durté long temps: & tout par les effects des significations & conionctions des astres, & durent iusques à la fin prefiguree par icelles, tant qu'il vient de nouvelles conionctions destruites d'icelle, comme il appert de plusieurs sectes: & pource n'est point chose superstitieuse de croire telles choses. Quand la grande conionction fut au signe du Scorpion dessus l'image d'Eridanus, & ceux de Boheme trouuerent vne nouvelle secte, laquelle print fondement de l'an Vviclef, Hierome Hus, & Rochemzana. Dessus ceste presete conionction qui durera iusques à l'an 1566. ou enuiron, l'Eglise Romaine & toutes gens d'Eglise auront à souffrir des persecutions sans nombre. Apres en viendra vn autre mauuaise, au signe de Aquarius, dessous l'image d'Alphas: & dessous icelle cessera l'Empire Romain. Apres en sera vn autre au signe de Capricornus, dessous l'image de celuy qui verse l'eau par laquelle l'Empire des Romains sera diuisé en dix parties. Apres icelle viendra vn autre conionction en Libra, dessous laquelle sera nay vn enfant de la lignee de Dan, lequel fera des maux innumerables. Aucuns pensent que ce sera l'Antechrist. De toutes les

choses qui sont faictes, la fin a esté mise par le gouuernemēt des corps celestes: cōbien qu'aucuns legislateurs pensent que leurs statuts & leur Royaume soyent perpetuels, mais le ciel ne l'admet pas.

De la disposition des biens de la terre, durant le temps de ceste conionction.

CHAP. XIII.

ALbumazar en son traicté 6, *differentia* 8. dit que l'esleuation de Saturne dessus Iupiter, est cause de la destruction de biens de terre, à cause de la grande siccité de l'air, & de faute de pluye. Et comme dit Antoine au 10. chap. quād Mars est dispositeur de quelque conionction, il denōce de grandes pluyes, portāt dommage. Et quand ils sont en leur regne, & qu'ils sont contraires egallement, & meslez deuēment, est fait en l'air quelque temperance, quant aux qualitez passiuēs, ce disent aucuns, laquelle chose est fausse: car ils sont tous deux mauuais: & pource porterōt dōmage par deux moyens, c'est à scauoir en secheresse superfluē, & abondance de pluye. L'humilité de Mars n'est point vtile pour la germination des biens de terre: mais est impetueuse & suffocatiue. Il produit des tempestes & des pluyes, & nuēes qui nuysent aux fleurs, aux herbes, aux bleds, & aux herbes. Mais l'humidité amiable de Iupiter & de Venus, nourrit

R E C V E I L D E S

les semences, en la terre, elle les faict croistre & paruenir à bonne maturation. Et pource que Mars & Saturne regneront, nous concluons que souuent aduiendra sterilité & cherté durant le regne de ceste conionction, par le mauuais aspect de Mars, les gendarmes pilleront les laboureurs. Et Saturne gastera les bleds, & ne se pourront garder, & amenera des vents pestifereux, lesquels produiront peste & diuerses maladies. Lesdits vents gasteront la terre, ils vexeront les nauires sur la mer, & dureront ces maux long temps.

*Qu'aucuns climats seront vexez de
diuerses infortunes.*

C H A P. X I I I.

IL y a aucuns ignares, qui disent que les constellationns n'œurent point particulièrement: mais seulement vniuersellement: mais leur opinion est fausse comme nous prouons par le dict d'Aristote. Les choses vniuerselles sont es particulieres: & qui destruiroit les choses particulieres, les choses vniuerselles ne seroyent plus. Ptolomee & Haly disent, que l'Astronome peut faire ses iugemens particuliers. Et disent, que le signe de l'ascendant de quelque ordonnance, ou election du Roy ou du Prince, demonstre force ou debilité aduenir, se on ce
qui est

qui est fortuné ou infortuné, regardant le Roy ou le peuple. L'an mil quatre cens nonante deux & nonante trois, sera bon pris de vin & de bled en haute Allemaigne, en France, en Angleterre, & en Gaule Belgique. Les gens iront de lieu en autre, par crainte de la mort. En la terre de Midy les grands seigneurs auront entr'eux de grandes discordes. En Occident l'eau fera de grands dommages au pais. Les Juifs seront bien fortunez & exaltez. Les Turcs feront grand guerre aux Chrestiens. Les citoyens trembleront en plusieurs villes, & mourront plusieurs grands seigneurs, dont leurs subieets seront fort tristes. Les lays qui resident dessous le Lyon auront des nouvelles persecutions. Iupiter s'oppose à l'encontre de Saturne, lequel entre en la maison de Mars, prince des vians, & les Leonistes auront à souffrir.

Et ces maux reuiendront derechef l'an 1521. & 1523. car le Soleil s'eclipsera deux fois, & la Lune de trois en trois ans.

L'an 1494. & 1495. viendra cherté de bled & de poisson. Les draps seront à bon pris, l'air sera troublé & seront de grandes pluyes. En Occident viendront de grands maux, avec effusion de sang. En l'Eglise seront de grâdes discordes. En Septentrion, en Dace, en Frise seront de grands tonnerres, & esclairs, & feu. Les Saxons auront débats avec ceux de Septentrion: &

quand les femmes verront que leurs maris seront tuez, elles crieront vers le ciel. Les poissons mourront dedans l'eau, & la terre de Midy & d'Orient se porteront bien.

L'an mil quatre cens nonante six & nonante sept, Saturne l'infortuné vexera les Royannes de Pologne, de Boheme & de Hongrie. La laine sera chere, les ouailles, les Bœufs & les porcs mourront, les metaux seront chers. Toute malice de guerre s'esmouuera, & trouueront les hommes diuers instrumens de guerre, & harnois, & se ferôt iustes & tournois. Les loups feront plusieurs dommages, tant aux gens qu'aux bestes. En Orient seront plusieurs brigands & homicides, qui feront effusion de sang, & sera diminuee la foy. Les cheuaux seront chers, à cause de la guerre. Les Ecclesiastiques reformeront de costé & d'autre, & les lays s'esfouiront.

L'an mil 498. 99. & 500. viendra le sceptre de malice à ceux de Thuringe, de Hesse, & aux Saxons. Pareillement ceux de Franconie, es parties d'environ, viendra cherté de viures, & viendra esdicts lieux de grandes pluyes en tēps d'esté, & dureront long temps. Il s'esmouuera des guerres ciuiles entre les parens & affins, & adouera grande altercation entre les lays & les gens d'eglise. Les bestes serôt cheres, les ouailles & les bœufs mourôt, les seigles aurôt contr.

rieté par la froideur de l'air: les femmes s'ornent de diuerses sortes pour induire à peché les hommes, & en leur enfantement se porteront mal: les laboureurs seront vexez de gendarmes & de leurs superieurs.

L'an 1501. & 1502. les villes d'Allemaigne porteront en plusieurs lieux la croix de lamentation, & reuendra inobedience à l'encontre de l'Eglise Romaine: les marchands auront diuers dommages, & les Legistes deuiendront tristes. Il viendra quelque nouuel ordre aux loix & les constitutions anciennes seront delaissees: alors France aura guerre tant par mer que par terre: la foy & fiance du commun peuple & des marchands sera abolie, & viendront en plusieurs lieux deluges particuliers. Tous viures seront chers, & plusieurs deuiendront pauures, les gouuerneurs des villes & communautez auront les testes tranchees, & les citoyens excogiteront plusieurs maux à l'encontre de leurs superieurs. Plusieurs maux aduiendront vers le Ryn & en haute Allemaigne, & viendra vn, qui dominera par dessus plusieurs.

Après l'an 1503. & 1504. seront de grandes marchandises en la mer & aux fleues, & les eaux inondantes feront de grands dommages, les porcs seront chers, & sera beaucoup d'aucines, les vins ne pourront venir à maturité, par le deffaut du soleil. En

RECUEIL DES

Occident sera grande cherté és parties de Midy & d'Orient se feront des navigations tres-bonnes. L'Esté sera froid, & sera beaucoup de foïn, & seront plusieurs lepreux: & seront plusieurs malades de maladie de la poitrine.

L'an 1505. 1506. & 1507. viendra grande chaleur, tellement que les eaux se desseichent aussi aux ruisseaux, mourra le bestial aux montagnes par force d'eau. En plusieurs lieux la terre s'enflammera & bruslera par abondance de chaleurs, les poissons mourront és estangs & riuieres, & les serpens mourront en la terre, & les brigands viendront à piller les pelerins. Beaucoup d'iceux seront pendus, & aucuns auront la teste coupee, les riches descendent & les päuures monteront en richesses. Alors seront veus plusieurs signes en l'air en Austrie & en Lombardie. On verra des mouches volant par l'air, lesquelles feront dommage en plusieurs lieux. Batailles capitalles s'esleueront entre les princes, & l'air sera infect de venin incurable, & sera fait és pierres precieuses & metaux diuerses faussetez.

L'an mil cinq cens huit, neuf & dix, viendra de recheüe le sceptre de discorde vers le Rhin en Allemagne, les vierges perdront leur pudicité, & seront plusieurs choses detestables. Les Beguines seront apostates, & seront plusieurs sodomitiques. Plusieurs artistes, escrivains,

peintres, & plusieurs gens sçauans seront vexez, & deuiendront pauures. Vers Magonce seront plusieurs vexez de cholique passion & de fièvres. Les choses sont demoustrées par le malin Saturne, qui entre en la maison de Mercure lequel poinct les humains de l'eguilon de tribulation.

L'an 1511. & 1512. viendra tribulation aux parties de Midy, en Dauphiné, & en Espagne, & és lieux circonuoisins, toutes choses seront chères, & viendront de grandes guerres, principalement entre les parens & amys. Les femmes se mocqueront des hommes. Les Italiens seront vexez de peché contre nature, & plusieurs mourront de flux de sang. Les scandales seront muez en honneur, les meschans seront aymez des seigneurs, & les iustes seront vexés. Les religieux seront remis de deuotion, viuront sans obediēce, addonnez à tous pechez.

Après ces choses viendra vne influence celeste és parties de Septentrion, d'Angleterre, de Noruegie, & de Dace, & dessus les poussins de la geline, là où il se fera vne bataille, en laquelle se fera grande effusion de sang. Et alors la malice de Mars suscitera les Allemans & Scepionistes, & plusieurs d'iceux seront tuez. Alors les tixans seront aymez & doutez, & les hommes commenceroent à vire sans foy, les femmes auront beaucoup à souffrir, & l'air in-

RECUEIL DES

fe&t sera cause de cherté.

En Baviere sera grande effusion de sang, t&t entre les lays qu'en l'Eglise, car ceux de Baviere sont deffous le Scorpion. Ceux de Midy auront de diuerses fortunes, se feront diuerses batailles deffus la mer: & ceux qui seront prudens, & ne consentiront point à ces abusions, endureront beapcoup, & dureront ces maux long temps, & en plusieurs lieux.

Après viendront de tresgrandes infortunes de guerre au Royaume de Hongrie par les Turcs, pareillement en Boheme, en Moranie, en Polongne, en Missie, & aux pays circonuoisins. Ceux d'Orient endureront beaucoup de dommage, le sceptre de toute infortune descendra vers iceux, & après ceste tribulation, Prage & Constantinople seront reduits à l'Eglise Romaine, & s'esmouueront à l'encontre des Turcs. Plusieurs Lyons, bestes & oyseaux viendront de midy, de Septentrion, & de la terre de la Vierge. Et après entre les iuristes & les Recteurs de l'Eglise sera faicte nouvelle restauration.

Cinq ans après reuiendra la famine & longues froidures en Lorraine, en Calabre, en Luxembourg, en Ifflie & Moselle, & viendra peste subite és parties d'Occident. Il viendra si grande froidure, que les oyseaux mourront deffous les toits, & les bestes aux montaignes.

L'esté sera beaucoup d'eau, & viuront les laboureurs, qui feront guerre à l'écontre des nobles: plusieurs decherront de leur puissance. Il viendra altercation entre les Electeurs de l'Empire, & adonc l'Eglise aura à souffrir: Le peuple sera fort troublé en plusieurs parties du Rhy. Alors viendra vn homme qui fera grande reformation à l'Eglise de Coulougne, de Treves, & de Magonce, & auront à souffrir plusieurs personnes Ecclesiastiques, à cause qu'ils perdront leurs benefices. Ce ne sera point alors le temps de sainct Syluestre, qui voulut entretenir l'Eglise comme nous auons dit.

Après sera le Ryn & les personnes Ecclesiastiques en bonne paix, & le sceptre de discord sera osté d'iceux. Alors sera nouvelle formation, nouveau regne, & honneste conuersation tant en l'Eglise, qu'entre les lays: mais ceux qui habitent sur la mer seront cinq ans en tristesses. Et le Turc vers son vieil aage occupera aucunes parties d'Occident, alors sera tué vers Agripine & l'Empire de Trapesoace sera réduit à la foy Catholique par ceux qui portent la croix. Les gens d'armes Allemans, Louistes, avec iceux recouureront Prusse & Pologne, & Ruthene perdront leurs biens. Saturne avec Mars puniront cruellement ceux qui ne voudront obeyr à l'Eglise, & les Turcs qui sont & ont esté en honneur, pleureront, & seront

R E C V E I L D E S

dispersez en plusieurs lieux, comme serfs. Et adonc l'Eglise reprendra son estat de charité. Les Anglois, Bretons, & ceux qui sont prochains, souffriront beaucoup de tribulations en ce temps.

Après, ceux de Rome, de Naples, Genes, & lieux voisins, iusques en Gallice, feront entre eux guerre, & sera famine ausdits pais. Il sera vn nouveau Roy, qui troublera plusieurs pais: Il sera seigneur de la mer Meridionale iusques en Occident. Plusieurs bestes & oyseaux luy obeiront par sa tyrannie. La ville de Rome avec le Pape sera en tristesse, ayant dueil de l'effusion du sang des innocens. Les Allemans s'eslouyront d'auoir trouué vne nouuelle institution: & deux cornes regneront en Allemaigne, & le peuple sans chef eslira vn Prince, à cause qu'il sera fort persecuté par armes & par feu. Le peuple de dure ceruelle sera subiect à l'Empire Romain. Et alors demeurera l'Empire en paix iusques à l'an 1572. combien que pendant ce tēps aura à souffrir de diuerses nations. Les causes pourquoy nous les laissons à cause de briueté.

E X H O R T A T I O N A U X L E C T E U R S du present Liure.

ENtre vous Lecteurs & auditeurs, qui lisez, ou oyez lire ce petit liure, je vous supplie prenez la patience de le lire benigne ment. & ce qui sera digne d'estre corrigé, qu'il le soit, en excusant mes fautes. Il n'est celuy si parfait qui

ne faille bien aucunesfois. Et pour ce me confiant de plusieurs, ie me suis mis à composer ce petit liure, pour porter vtilité à la chose publique, & à tous les Princes: Car (comme nous auons dit) les estoilles & planettes inclinent à diuerses œures & passions. Et pource chacun pourra trouuer moyen d'y obuier: car le sage a domination par dessus les influences des planettes. Et si Dieu tout puissant permet telles choses futures pour nos pechez, nous deuous recourir à sa misericorde, nous armant de l'escu de la foy & de patience. Et combien qu'ainsi, ou ainsi doiue aduenir par la diuine volonté, toutesfois quand on le sçait par iugement ou coniecture, on n'en est point tant tourmenté: car on se prepare à soustenir les aduersitez par patiēce & humilité, afin qu'on en ait retributiō de Dieu en la vie eternelle: A laquelle nous puissions paruenir apres les tribulatiōs de ce mōde, afin que nous puissions voir eternellemēt celuy en qui est tournée nostre felicité. Amen.

L A S E C O N D E P A R T I E

D E C E L I V R E .

L'an de grace six cens, estoit pape à Rome S. Gregoire Docteur de saincte Eglise: auquel temps par vne personne furent prophetisees ces propheties & reuelations, ainsi que s'ensuit.

VN Roy sera en Gaule, nommé K. Et ce-
luy Roy sera champion ou chef d'or, &

y en aura vn autre aussi bon que le champion :
 & si ne fust vne mauuaise guerre, qu'il aura
 par mauuais admonestement, du temps de Sa-
 lomon iusques au Dragon de Babylone, n'au-
 roit au monde vn si sage homme comme il se-
 ra: car sa renommee s'espandra iusques à l'ar-
 bre seiché, du Roy qui pres cestuy sera iouyf-
 sant, de ses taches & de ses bõtez, & de sa cour-
 toisie, & comme il croira en saincte Eglise. Et
 celuy champion de Gaule qui sera nõmé Frã-
 ce, & courra pour ce qu'il fera par tout le mõ-
 de, & les destruira presque tous. Et durera la
 renommee de luy iusques au iour du iugemēt,
 & les bõnes œuures seront ramentuës par tout
 le monde pres & loing, & iamais n'y fa udra.
 Celuy qui la mauuaise guerre cõmencera, em-
 pirera parmy le monde, & fera grand dom-
 mage: mais son empirement ne sera pas tout
 par sa coulpe.

Le premier empirement, est orgueil, que les
 cleres & gens lays prædront, & voudront tenir
 mesnage, dõt il aduiẽdra grãds maux au siecle.

Le second empirement sera, que de celle
 guerre mourra mauuaisement plus de trente
 mille, que hommes que femmes, sans vne grã-
 de destruction, qui sera faicte de Payens apres
 sa mort.

Le tiers empirement sera, que deslors en a-
 uãt ne croirõt les gens si parfaitemēt aux sacre-

RÉCUEIL DES

mens de sainte Eglise cōme leurs ancestres croyoient.


Je pense aux gens qui seront parmy le monde, euirō le temps de l'incarnation nostre seigneur Iesus Christ 1500. ans: car ils ne regarderōt ne tiendrōt les doctrines de leurs ancestres: mais ensuyuront les œures, qu'en iceluy tēps ferōt les tyrās, & leurs discords ensuyurōt, & serōt avec vn gouuerneur, à qui sa porte sera brisēe à force du danger, que les tyrās luy dōnerōt. Les Prelats de celle terre ne garderont en celuy temps, fors seulement à force d'argent: & sachez que ce aduiendra à eux. En celle terre y aura vne discorde entre deux clercs, que celuy qui aura force d'argent viendra au dessus, soit droict ou tort, & si perdra celuy qui point d'argent n'aura: & y aura lors vne mauuaise coustume. Ils ne regarderont pas aux bonnes operations que auront fait les saints gouuerneurs & saints ministres. Mais ils regarderont à ce qu'auront fait les mauuais tyrans, & les mauuais ministres, qui auront brisē la porte de fer, & de passe fer.

Les Clercs auront changē l'Euangile de monseigneur S. Iean, qui dit, Que chacune chose par force d'argent ne se face. Adonc n'aura mestier le liure des Euangiles: car les iuges ne garderont iustice qu'à force d'argent: Et si commencera ceste œure mauuaise en ce-

luy temps : mais vn peu auant aura elle esté commencee en la cour du gouuerneur , non pas si apertement comme il fera parmy le monde en celuy temps : & sachez que par ce- luy peché , en monstrera nostre Seigneur Iesus Christ vn signe.

TABLE DES MATIERES PRIN-
CIPALES CONTENUES EN
ce present Liure.

TRAICTE PREMIER.

	Es moyens par lesquels l'homme peut iu- ger les choses aduenir. fucillet 5
	Que la reuelation diuine ne doit point e- stre cachee , mais reuelee à chacun. 7
	Que ce n'est point chose superstitieuse de croire aux constellations des planettes. 8
	De l'honneur d'Astrologie, par raisons militantes , & par exemple des anciens. 9
	Des vertus des corps celestes. 9
	Comment la certitude des choses passees & presentes faict foy aux choses aduenir. 10
	Diuerses opinions sur les influences des planettes. 10
	Vne oraison de l'auteur , à la sainte Trinité. 11
	De la qualité, du lieu, & du temps d'vne constellation admirable. 12
	De la duration de la susdicté constellation. 12

SECOND TRAICTE.

Comment la constellation nommee au 9. chap. du pre-
mier traicté , fera son influence en l'Eglise , inclinant le

TABLE

- Le chef d'icelle à diuerses infortunes. 14
- De la fluctuation de l'Eglise, & de son chef, comprise par la presentation de Adam & Eue, par la reuelation de l'Abbé Ioachim. 14
- Comment par la reuelation de sainte Brigide, les dangers & scismes de l'Eglise apparoiſtront, quand les François seront en paix avec les Allemans. 16
- Probation de la vertu de la paix: avec vne exhortation aux Princes de porter hōneur à l'Empire Romain. 16
- Comment au temps de l'Empereur Frederic, aduiendrot de grands maux l'espace de 23. ans & demy. 17
- Comment par la reuelation de sainte Brigide, l'Eglise sera troublee au temps de Maximilian, par les François. 18
- Comment la Germanie inferieure se rebellera contre l'esleu Empereur, par la reuelation d'une Sibyle, & de Reynardus Hermite. 19
- Comment l'Eglise vacillera es parties de Allemaigne, deſſous les Electeurs de l'Empire, par la representation des sept Anges. 20
- Combien durera la dissension de l'Eglise: Et comment se feront diuerses rebellions. 21
- Vne exhortation pour l'vnité de l'Eglise, & pour la maintenance de l'Empire Romain. 22
- Comment en Allemaigne s'esleuera vn nouveau Prince, qui prendra par armes plusieurs terres d'Allemaigne. 23
- Comment apres la persecution des iustes viendra la paix, ainsi qu'en la passion de Iesus Christ Pilate & Herodes furent amis. 24
- Declaration comment la dignité Imperiale à esté donnée aux Allemans, figuree par le baston de S. Pierre, qui fut apporté à Treues. 25
- Comment les tyrans gasteront l'Euſché de Treues & de Coulongne, & vacquera le siege Apostolique deſſous

T A B L E

le signe du Loup & de l'Ours.	27.
Comment il y aura trois faux Prelats, qui seront ostez de leurs offices, à cause de leurs predications erronees.	28
Comment plusieurs religions seront remises, sans auoir la faueur de l'amour diuin, comme le temps passé.	29
Declaration de la naissance des François & leur estat futur, dessous les proprietiez du Coq.	30
Le presage de saincte Marguerite. dessus la similitude du lys croissant au champ Occidental.	31
Declaration d'aucunes chose heureuses qui aduiendront au Royaume de France, où l'exposition mystique des trois Lys est declaree.	31
Comment la grande prosperité de la France l'esmouuera contre l'Eglise & ses subiects.	32
Comment le Roy de Boheme susciterra guerre & erreur contre l'Eglise, & en la fin perira meschamment.	33
Des Roys de Hongrie, comment ils feront plusieurs choses pour maintenir l'Eglise, & se porteront noblement au faict de la guerre.	34
Les infortunes & prosperitez du Comte Palatin, tant de par la France, que de par l'Empire.	35
Estat diuers de la Comté de Palatin, preuen, à cause des confederations rompues & de l'offence vers l'Empereur.	35
L'estat futur de l'Empire, denoté par l'arbre qui fut veu de Daniel: pareillement diuerses guerres entre les Chrestiens & les infideles.	38
Comment l'Eglise aura à souffrir par les infidelles, qui en fin seront surmontez par les Hongtes & Espagnols, & de la deliurance de Constantinople.	40
L'estat & disposition des iuifs infideles.	41
Probation de la vertu des influences es choses inferieures.	44
De l'auènement d'un sainct & sage Prophete, qui reprimera les erreurs qui sont à l'encontre de la Foy,	

TABLE.

- & preschera feruementement la verité. 45
- De la naissance d'un grand Roy, lequel fera de nouvelles loix & constitutions. 46
- De la naissance d'un autre grand prophete, qui predira au peuple de grandes reuelations. 47
- De l'aduenement d'un Moyne gris, qui sera deceueur & hypocrite, & par faux signes seduirá plusieurs gens, & sera cause de gráde effusion de sang. 47
- De la naissance d'un autre faux prophete, qui par sa doctrine seduirá les princes & les preláts, comme vn Antechrist. 48
- Aduertissement de ceux qui ont eu des reuelations touchant l'estat & regime de l'Eglise. 49
- De l'entree d'un Empereur dedans Rome à main armee: lequel fera de grandes persecutions aux Prelats, & aux Clercs. 49
- D'un sainct homme, qui sera consacré Pape, lequel reformera toute l'Eglise: & de trois autres personages de saincte vie, qui conformeront les constitutions d'iceluy. 50

TIERS TRAICTE.

- Comment plusieurs seditions s'esmouueront en Hongrie, Boheme, & Bauiere: par lesquelles plusieurs seront mis à mort. 51
- De l'estat des Alsatiens, Syennois, Gaulois & Cymbrois. 51
- De l'estat de l'Empire Romain. 52
- De l'estat de Franconie, Nigresylue, & Rhenane contrée. 52
- De l'estat de Moselle & de Treues. 52
- De l'estat de la France Picardie, & des lieux circonuoi-
sins. 52
- De l'estat des Saxons, de Hesse, & de Thuringe. 52
- Quelle chose de signe ladicte constellation quant au

TABLE.

femmes grosses.	33
Comment la susdicte constellation induira plusieurs à luxure abhominable.	33
Comment pareillement ladite constellation inclinera les femmes, les vierges, & les religieuses à concupisence charnelles.	33
Probatió des choses susdites par raisons naturelles.	34
Declaration comment l'influence des corps celestes peut durer long temps.	35
De la disposition des biens de la terre, durant le tēps de la susdicte conionction.	36
Comme aucuns climats seront vexez de diverses infortunes.	36
Exhortation au Lecteur.	36

F I N.

Y. de la Haye



